









漢魏六朝正史文選卷之二十一

魏書

詔令

奏議

雜著

史論

道武

百官詔

明元

出宮人詔

大武

誅賞將士詔

辟召賢良詔

卷之二十一

目



海表六朝正史文選

文成

遣尚書巡行州郡詔

牧守殿最詔

獻文

傳位詔

孝文

祠孔子詔

貢舉詔

婚葬律令詔



條禁諸州刺史詔

澍雨詔

酬賚徐謩詔

宣武

勲臣子孫銓授詔

求言詔

罪枷杖違制詔

彭城王勰辭位詔

明帝



停遷北京畱住詔

禱雨詔

舉賢詔

罪狀元乂劉騰詔

出帝

卽位赦詔

元雍

考陟法表

孫紹



脩律令表

蕭寶寅

考績表

張彝

歷年圖表

崔光

陳登佛圖表

辛雄

軍令賞罰疏



元遙

除屬籍表

張普惠

論崇佛法疏

奏記任城王澄

楊恭之

改鑄表

王椿

風雹疏



韓延之

報劉裕書

元熙

與知故書

高允

徵士頌序

常爽

六經略注序

房景先



五經疑問

良吏傳序

逸士傳序

恩倖傳序

漢魏六朝正史文選卷之二十一

目終



魏書

詔令

奏議

雜著

史論

雲間

顧在觀觀生

秀水朱天定道力

許清胤介夫輯評

顧之萃宗之叅訂

句章陳

裕廣生

陳 祐天生

道武

姓拓

氏諱珪猷明之子目有光曜廣額大耳之登國元年即代王位天興元年議定

國號

曰魏

百官詔

天興三年十二月

詔曰上古之治尚德下名有任而無爵易治而事序

故邪謀息而不起姦慝絕而不作周姬之末下陵上



替以號自定。以位制祿。卿世其官。大夫遂事。陽德不暢。議發家陪。故釁由此起。兵由此作。秦漢之弊。捨德崇侈。能否混雜。賢愚相亂。庶官失序。任非其人。于是忠義之道寢。廉耻之節廢。退讓之風絕。毀譽之議興。莫不由乎貴尚名位。而禍敗及之矣。古置三公。職大憂重。故曰待罪宰相。將委任責成。非虛寵祿也。而今世俗僉以台輔爲榮貴。企慕而求之。夫此職司在人主之所任耳。用之則重。捨之則輕。然則官無常名。而任有定公。是則所貴者至矣。何取于鼎司之虛稱也。



夫桀紂之南面。雖高而可薄。姬旦之爲下。雖卑而可尊。一官可以效智。華門可以垂範。苟以道德爲實。賢于覆餗。鄙家矣。故量已者。令終而義全。昧利者。身蹈而名立。利之與名。毀譽之疵競。道之與德。神識之家寶。是故道義治之本。名爵治之末。名不本于道。可不以爲宜。爵無補于時。不可以爲用。用而不禁。爲病深矣。能通其變。不失其正者。其惟聖人乎。來者誠思成敗之理。察治亂之由。鑒殷周之失。革秦漢之弊。則幾于治矣。



高古敦樸絕勝江東



明元

諱嗣太祖長子母曰劉貴人登國七年生于雲中  
天賜六年十月清河王紹恕逆太祖崩帝入

誅紹

卽位

出官人詔

永興三年  
春二月

詔曰衣食足知榮辱夫人饑寒切已唯恐朝夕不濟  
所急者溫飽而已何假及于仁義之事乎王教之多  
違蓋由于此也非夫耕婦織內外相成何以家給人  
足矣其簡官人非所當御及執作伎巧自餘悉出以  
配鰥民



...

...

...

...

...

...



太武

諱燾明元之長子母曰杜貴嬪天賜五年生于東宮體貌瓌異太祖奇而悅之泰常七年太宗

有疾命帝總

攝十月卽位

誅賞將士詔

神麤三年五月

詔曰夫士之爲行在家必孝處朝必忠然後身榮于時名揚後世矣近遣尚書封鐵翦除亡命其所部將士有盡忠竭節以殞軀命者今皆追贈爵號或有蹈鋒履難以自效者以功次進位或有故違軍法私離幢校者以軍法行戮夫有功蒙賞有罪受誅國之常典不可暫廢自今後以不善者可以自改






Table with 2 columns and 10 rows. The text is extremely faint and illegible.

Main body of text, organized into columns. The text is extremely faint and illegible.



太武

辟召賢良詔

神龜四年二月 先是辟召賢良而州郡多逼遣之

詔曰朕除僞平暴征討累年思得英賢緝熙治道故詔州郡搜揚隱逸進舉賢俊古之君子養志衡門德成業就才爲世使或雍容雅步三命而後至或棲棲皇皇負鼎而自達雖徇尚不同濟時一也諸召人皆當以禮申諭任其進退何逼遣之有也此刺史守宰宣揚失旨豈復光益乃所以彰朕不德自今以後各令鄉閭推舉守宰但宣朕虛心求賢之意既至當待



以不次之舉、隨才文武、任之政事、其明宣勅、咸使聞知、

引賢如此、乃與莽述異術者矣、



文成

諱濬恭宗之長子母曰呂氏真君元年生于東宮少聰達世祖愛之常置左右太平二年十月

即位

遣尚書巡行州郡詔

太安元年春正月

詔曰夫爲治者因宜以設官舉賢以任職故上下和平民無怨謗若官非其人姦邪在位則政教陵遲至于凋薄思明黜陟以隆治道今遣尚書穆伏真等三十人巡行州郡觀察風俗入其境農不墾殖田畝多荒則徭役不時廢于力也耆老飯蔬食少壯無衣褐則聚歛煩數匱于財也閭里空虛民多流散則緩導



無方疎于恩也。盜賊公行。劫奪不息。則威禁不設。失于刑也。衆謗並興。大小嗟怨。善人隱伏。佞邪當塗。則爲法混淆。昏于政也。諸如此比。黜而戮之。善于政者。哀而賞之。其有阿枉不能自申。聽詣使告狀。使者檢治。若信清能。衆所稱美。誣告以求直。反其罪。使者受財。斷察不平。聽詣公車上訴。其不孝父母。不順尊長。爲吏姦暴。及爲盜賊。各具以名上。其容隱者。以所匿之罪罪之。

漢魏以來未見此體調也



文成

牧守殿最詔

太安五年九月

夫褒賞必于有功，刑罰審于有罪。此古今之所同。由來之常式。牧守莅民，侵食百姓，以營家業。王賦不充，雖歲滿去職，應計前通，正其刑罪。而主者失于督察，不加彈正，使有罪者優游獲免，無罪者妄受其辜。是啓姦邪之路，長貪暴之心。豈所謂原情處罪以正天下。自今諸遷代者，仰列在職，殿最案制治罪，克舉者加之爵寵，有愆者肆之刑戮，使能否殊實，刑賞不差。



王者明爲條制以爲常楷



獻文

諱弘文成長子母曰李貴人太安二年立爲皇太子仁孝純至禮敬師友和平六年五月卽位

傳位詔

天安五年八月 帝雅薄時務常有遺世之心

詔曰朕承洪業運屬太平准岱率從四海清晏是以  
希心玄古志存澹泊躬覽萬務則損頤神之和一日  
或曠政有淹滯之失但子有天下歸尊于父父有天  
下傳之于子今稽協靈運考會群心爰命儲宮踐昇  
大位朕方優遊恭已栖心浩然社稷乂安克廣其業  
不亦善乎百官有司其祇奉胤子以答天休宣布寓  
內咸使聞悉



權勢所在父子難言獻文此舉遼絕遠古矣



孝文

諱弘獻文長子母曰李夫人皇興元年八月生  
于平城天地氤氲和氣充塞顯祖尤愛異之太

安五年八月  
月卽位

祠孔子詔

延興二年二月

尼父稟達聖之姿體生知之量窮理盡性道光四海  
頃者淮徐未賓廟隔非所致令祠典寢頓禮章殄滅  
遂使女巫妖覲淫進非禮殺生鼓舞倡優嫖狎豈所  
以尊明神敬聖道者也自今已後有祭孔子廟制用  
酒脯而已不聽婦女合雜以祈非望之福犯者以違  
制論其公家有事自如常禮犧牲粢盛務盡豐潔臨



事致敬令肅如也。牧司之官明糾不法使禁令必行。



孝文

貢舉詔

延興二年六月

頃者州郡選貢多不以實。碩人所以窮處幽仄。鄙夫所以超分妄進。豈所謂旌賢樹德者也。今年貢舉尤爲猥濫。自今所遣皆門盡州郡之高才。極鄉閭之選。魏世文詞俚俗可厭。魏收身任史事。其所撰著尤爲粗鄙。然一代命令渾厚。古穆珪嗣之世。繇來已然。卽非主出爲者。何人信魏之無文。皆收取舍失。哀所致已。



卷一

其時非至出無官人對明之學之有非  
為目時時一非今微單之與此之非時  
變曲文補時時可補時時也其重時時  
其則其時之微重時時也其重時時之  
初以時時之微重時時也其重時時之  
其則其微重時時也其重時時之微重

元學

元學



文帝

與吳質書

質字季重爲五官將及諸侯所禮愛  
質亦善處其兄弟之間出爲朝歌長  
後遷南城令大將軍西征太  
子南在孟津小城與質書

書曰李仲無恙途路雖局官守有限願言之懷良不  
可任足下所治僻左書問致簡益用增勞每念昔日  
南皮之游誠不可忘既妙思六經逍遙百氏彈棊聞  
談終以博奕高談娛心哀箏順耳馳騫北場旅食南  
館得甘瓜於清泉沉朱李於寒水暇日旣沒繼以朗  
月同乘並載以游後園輿輪徐動賓從無聲清風夜



起悲筵。微吟樂往哀來。凄然傷懷。余顧而言。茲樂難  
常。足下之徒。咸以爲然。今果分別。各在一方。元瑜長  
逝。化爲異物。每一念至。何時可言。方今誕賓紀辰。景  
風扇物。天氣和暖。衆果具繁。時駕而遊。北遵河曲。從  
者鳴笳以啓路。文學託乘於後車。節同時異。物是人  
非。我勞如何。今遣騎到鄴。故使枉道相過行矣。自愛  
綺不矢。真文帝之才。自居陳思之右。



序文

條禁諸州刺史詔

承明二年十一月

詔曰懸爵于朝而有功者必縻其賞懸刑于市而有罪者必罹其辜斯乃古今之成典治道之實要諸州刺史牧民之官自頃以來遂各怠慢縱姦納賂背公緣私致令賊盜並興侵劫滋甚姦究之聲屢聞朕聽朕承太平之運屬千載之期思光洪緒惟新庶績亦望藩翰群司敷德宣惠以助沖人共成斯美幸克已復禮思愆改過使寡昧無愧于祖宗百姓見德于當



司有司明爲條禁。稱朕意焉。

論禁私出錢

十一  
二

孝文

澍雨詔

承明二十年七月帝以久旱咸秩群神自癸未不食至于乙酉是夜澍雨大洽

詔曰炎陽爽節。秋零卷澍。在予之責。實深悚慄。故輟膳三晨。以命上訴。靈鑒誠歎。曲流雲液。雖休勿休。寧敢愆怠。將有賢人湛德高士凝棲。雖加銓採。未能招致。其精訪幽谷。舉茲賢彥。直言極諫。匡于不及。又邪佞毀朝。固唯治蠹。貪夫竊位。大政以虧。王者彈劾。不肖明黜盜祿。又法爲治要。民命尤重。在京之囚。悉命



奏書  
條奏朕將親案以時議決。又疾苦六極。人神所矜。宜  
時訪恤。以拯窮廢鰥寡困乏。不能自存者。明加矜恤。  
令得存濟。又輕徭薄賦。君人常理。歲中恒役。具以狀  
聞。又夫婦之道。生民所先。仲春奔會。禮有達式。男女  
失時者。以禮會之。又京民始業。農桑爲本。田稼多少。  
課督不具。以狀言。

方其不用。求盡其誠。及其旣雨。答盡其敬。事夫如  
此。庶乎謹爾。

孝文

酬賚徐謩詔

承明二十二年高祖懸瓠其疾大漸馳驛召謩下治大驗內外稱

慶乃下

詔酬賚

詔曰夫神出無方形稟有礙憂喜乖適理必傷生朕覽萬機長鍾革運思芒芒而無怠身忽忽以興勞仲秋勤痼心容頓竭氣體羸瘠玉几在慮侍御師右軍將軍徐成伯馳輪大室進療汝蕃方窮丹英藥盡芝石誠術兩輸忠妙俱至乃令沈勞勝愈篤瘵克痊論勤語効實宜褒錄昔晉武暴疾程和應增封辛亥數



朝錢爵大墜。况疾深於鬢辰。業難於疇日。得不重加  
陟賞乎。宜順群望。錫以山河。且其舊逕高秩。中暫解  
退。比雖銓用。猶未關二字準舊量。今事合顯進。可鴻臚  
卿。金卿縣開國伯。食邑五百戶。賜錢一萬貫。  
魏之諸詔。必有可觀。是何在下之多拙也。

宣武

諱恪孝文第二子母曰高夫人太和七年閏四月生于平城二十三年夏四月卽位

勲臣子孫銓授詔

正始二年六月

詔曰先朝勲臣或身罹譴黜子孫沉滯或宦途失次有替舊流因而弗採何以獎勸言念前績情有親疎宗及庶族祖曾功績可紀而無朝官有官而才堪優引者隨才銓授



一

宣武

求言詔

正始三年二月

詔曰。昔虞戒面從。昌言屢進。周任諫輔。王闕必箴。朕仰纘鴻基。伏膺寶曆。思康庶績。一日萬幾。是以側望忠言。虛求讜直。而良策弗進。規畫無聞。豈所謂弼諧元首。匡救不逮者乎。可詔王公已下。其有嘉謀深圖。直言忠諫。利國便民。矯時厲俗者。咸令指事陳奏。無或依違。





宣武

罪枷杖違制詔

永平元年  
秋七月

詔曰。察獄以情。審之五聽。枷杖小大。各宜定準。然比  
廷尉司州河南洛陽河陰及諸獄官。鞠訊之理。未盡  
矜恕。掠考之苦。每多切酷。非所以祇憲量哀。慎刑  
命者也。推濫究枉。良軫于懷。可付尚書。精檢枷杖違  
制之由。斷罪聞奏。



卷之五

...

...

...

...

...

...

宣武

彭城王勰辭位詔

景明  
年

詔曰。蓋二儀分象。君臣之位形焉。上下既位。唱和之義生焉。自古統天位主。曷嘗不賴明師。仗賢輔。而後燮和陰陽。彞倫民物者哉。往而不返者。先民誠有之。斯所謂獨善其身。而亂大倫。山林之士耳。賢人君子。則不然也。屈已以安民。艱身以濟物。所謂以先知覺。後知同塵。而與天下俱潔者也。朕猥以冲年。纂臨寶曆。實賴叔父匡濟之功。誠宜永兼將相。以網維內外。



但逼奪先旨、憚違沖挹、俛首割心、以遂高素、自比水  
旱乖和、陰陽失序、是以屈王論道、庶燮茲玉燭、且師  
宰從容、無廢清尚、故周旦復辟而居之、尚父期願以  
終位、王義兼家國、理絕獨高、可遣侍中敦諭。

孝文于勰、友愛篤至、臨終詔宣武曰、聽其辭、蟬捨  
冕、遂沖挹之性、無使成王之朝、讎疑姬旦之聖、然  
宣武卒不能全勰也、非獨殺叔、亦以無父矣。

明帝

諱詡宣武第二子母曰胡充華永平三年三月生延昌四年正月即位詔大保高陽王雍央庶政任城王澄爲尚書令百官總已以聽于二王

停遷北京畱任詔

熙平二年冬十月

詔曰北京根舊帝業所基南遷二紀猶有畱任懷本樂故未能自遺若未遷者悉可聽其仍停安堵永業門才術藝應于時求者自別徵引不在斯例周之子孫漢之劉族遍于海內咸至蕃衍豈拘南北千里而已哉



Table with multiple columns and rows of text, likely a ledger or record book. The text is faint and mostly illegible due to fading and bleed-through from the reverse side. The table structure consists of approximately 10 vertical columns and several horizontal rows.

明帝

禱雨詔

正光三年六月

詔曰、朕以冲昧、夙纂寶歷、不能祇奉上靈、咸延和氣、致令炎旱頻歲、嘉雨弗洽、百稼焦萎、晚種未下、將成災年、秋稔莫覲、在予之責、憂懼震懷、今可依舊分遣有司、馳祈嶽瀆、及諸山川、百神能興雲雨者、盡其虔肅、必令感降、玉帛牲牢、隨應薦享、上下群官、側躬自厲、理冤獄、止土功、減膳撤懸、禁止屠殺、





明帝

罪狀元義劉騰詔

孝昌元年  
夏四月

詔曰朕以寡昧夙承天歷茫若涉海罔知所濟寔憑  
宗社降祐之靈庶勉幼志以康世道而神龜之末權  
臣擅命元義劉騰陰相影響遂使皇太后幽隔後宮  
太傅清河王無辜致害相州刺史中山王熙橫被夷  
滅右衛將軍奚康生仍見誅翦從此已後無所畏忌  
恣諸侵求任所與奪無君之心積習稍久不臣之迹  
緣事彌彰蔽耳目之明專生殺之柄天下爲之不康



四郊由茲多壘。此而可忍。孰不可懷。雖屢經赦宥。未  
容致之于法。猶宜辨正。以謝朝野。騰身旣往。可追削  
爵位。又之罪狀。誠合綴繆。但以宗彼舅戚。特加全貸。  
可除名爲民。

明帝

舉賢詔

孝昌元年三月

詔曰。選衆而舉。其來自昔。朕纘承大業。綜理萬幾。求  
賢致治。心焉若渴。知人則哲。振古所難。宜博訪分卿。  
採茲聲實。可令第一品以下。五品以上。人各薦其所  
知。不限素身。居職必使精辯器藝。具注所能。然後依  
牒簡擢。隨才收敘。庶濟濟之美。無替往時。謇謇之直。  
有申之歲。





出帝

諱修字孝則廣平王懷第三子中興二年四月安定王自以疎遠未允四海之心請遜大位齊獻武王與百寮會議僉謂太祖不可無後奉王卽位永熙三年爲斛律斯等迫脅出于長安

卽位赦詔

太昌元年

詔曰否泰相沿廢興互有玄天無所隱精靈弗能諭大魏統乾德漸區寓牢籠九服旁礴三光而上天降禍運踵多難禮樂崩淪憲章漂沒赫赫宗周翦爲戎寇肅肅清廟將成茂草胡羯乘機肆其昏虐殺君害王剗剔海內競其吞噬之意不識醉飽之心自書契以來未有若斯者已大丞相渤海王忠存本朝精貫



白日爰舉義旗，志雪國耻。故廣阿之軍，貔虎奪氣；鄴下之師，金湯失險。近者四胡相率，實繁有徒，驅天下之兵，盡華戎之銳。桴鼓暫交，一朝盪滅。元兇授首，大慙斯擒。揚旆濟河，掃清伊洛。士民安堵，不失舊章。社稷危而復安，洪基毀而還構。朕以託體宸極，猥當樂推，祇握寶圖，承茲大業，得以眇身託于王公之上。若涉淵水，罔識攸津，思與兆民同茲嘉慶，可大赦天下。

元雍

高陽王雍字思穆少而倜儻不恒高祖曰吾亦未能測此兒之深淺然觀其任真率素或年器晚成也

考陟法表

世宗時雍領太尉世宗行考陟之法雍表

竊惟三載考績百王通典今任事上中者三年升一階散官上第者四載登一級閑冗之官本非虛置或以賢能而進或因累勤而舉如其無能不應忝茲高選既其以能進之朝伍或任官外戍遠使絕域催督通懸察檢州鎮皆是散官以充劇使及于考陟排同閑伍檢散官之人非才皆劣稱士之輩未必悉賢而



考開以多年。課煩以少歲。上垂天澤之均。下生不等之苦。又尋景明之格。無折考之文。正始之奏。有與奪之級。明參差之考。非聖慈之心。改典易常。乃有司之意。又尋考級之奏。委于任事之手。涉議科勤。絕于散官之筆。遂使在事者得展自勤之能。散筆者獨絕披吟之所。抑以上下之閑限。以旨格之判。致使近侍禁職。抱繫屈之辭。禁衛武夫。懷不申之恨。欲剋平四海。何以獲諸。又散官在直。一玷成尤。銜使愆失。差毫卽坐。微繆所逮。未以事閑優之。卽慶之資。不以祿微加。



賞罪殿之犯。未殊任事、考陟之機、推年不等、臣聞君  
舉必書、書而不法、後待何觀、詩云、王事靡盬、不遑啓  
處、又曰、豈不懷歸、畏此簡書、依依楊柳、以敘治兵之  
役、霏霏雨雪、又申振旅之勤、若折往來、日月便是採  
薇之詩、廢杖杜之歌、罷又任事之官、吉凶請假、定省  
掃拜、動歷十旬、或因患重、請動輒經歲、征役在途、勤  
泰百倍、苦樂之勢、非任事之倫、在家私閑、非理務之  
日、論優語劇、先宜折之、武人本挽上格者、爲羽林、弁  
格者、爲虎賁、下格者、爲直從、或累紀征戍、靡所不涉、



或帶甲連年、負重千里、或經戰損傷、或年老衰竭、今試以本格、責其如初、有爽于先、退階奪級、此便責以不衰。理未通也。又蕃使之人、必抽朝彥、或歷嶮千餘、或履危萬里、登有死亡之憂、咸懷不返之感、覓骨奉忠、以尸將命、先朝賞格、酬以爵品、今朝改式、止及階勞、折以代考、有乖使望、非所以獎勵皇華、而敦崇四牡者也。復尋正始之格、汎後任事上中者、三年升一階、汎前任事上中者、六年進一級、三年一考、自古通經、今以汎前六年昇一階、檢無愆犯、倍年成級、以此

推之明以汎代考，新除一日，同霑階榮，下第之人，因  
汎上陟，上第之士，由汎而退。臣又見部尉資品，本居  
流外，刊諸明令，行之已久，然近爲里巷多盜，以其威  
輕不肅，欲進品清流，以壓姦宄。甄深啓云爲法者施  
而觀之，不便則改，竊謂斯言有可採用。聖慈昭覽，更  
高宰尉之秩，今考格始宣，懷怨者衆，臣竊觀之，亦謂  
不可，有光國典，改之何難。

殺雜混濁之吏，得此不啻出金于沙。



而如之不要以文辭爲記言亦何斜作聖慈即實要  
雖不無餘數品散散以聖慈字聖慈字法爲去昔前  
無收作書明今作之日又慈慈慈慈慈慈慈慈慈慈  
財土利土利之士由財而慈慈又見慈慈資品本爲  
卦之明以財外去慈慈一日同雷雷雷不慈慈人同

孫紹

修律令表

與常景等共修律令  
延昌中紹表

表曰臣聞建國有計。雖危必安。施化能和。雖寡必盛。治乖人理。雖合必離。作用失機。雖成必敗。此乃古今同然。百王之定法也。伏惟大魏應天明命。兆啓無窮。畢世後仁。祚隆七百。今二號京門。了無嚴防。南北二中。復闕固守。長安鄴城。股肱之寄。穰城上黨。腹背所憑。四軍五校之軌。領護分事之式。徵兵儲粟之要。舟車水陸之資。山河要害之權。緩急去來之用。持平赴



救之方。節用應時之法。特宜修置。以固堂堂之基。持  
盈之體。何得而忽。居安之辰。故應危懼矣。且法開清  
濁。而清濁不平。申滯理望。而卑寒亦免。士庶同悲。兵  
徒懷怨。中正賣望於下里。主案舞筆於上臺。真偽混  
淆。知而不糾。得者不欣。失者倍怨。使門齊身等。而涇  
渭奄殊。類應同役。而苦樂懸異。士人居職。不以爲榮。  
兵士役苦。心不忘亂。故有競棄本生。飄藏他土。或詭  
名托養。散在人間。或亡命山藪。漁獵爲命。或投仗強  
豪。寄命衣食。又應遷之戶。逐樂諸州。應留之徒。避寒

歸暖兼職人子弟。隨逐浮遊。南北東西。卜居莫定。關  
禁不修。任意取適。如此之徒。不可勝數。爪牙不復爲  
用。百工爭棄其業。混一之計。事實闕如。考課之方。責  
辦無日。流浪之徒。決須精校。今疆敵窺時。邊黎伺隙。  
內民不平。久戍懷怨。戰國之勢。竊謂危矣。必造禍源  
者。北鎮邊戍之人也。若夫一統之年。持平用之者。大  
道之計也。亂離之期。縱橫作之者。行權之勢也。故道  
不可久。須文質以換情權。不可恒。隨滂隆以牧物文。  
質應世道。形自安。滂隆獲衰。權勢亦濟。然則王者計



法之趣化物之規圓方務得其境人物不失其地又  
先帝時律令竝議律尋施行令獨不出十餘年矣臣  
以令之爲體卽帝王之身也分處百揆之儀安置九  
服之節經緯三才之倫包羅六卿之職措置風化之  
門作用賞罰之要乃是有爲之樞機世法之大本也  
然修令之人亦得博古依古堪置大體可觀比之前  
令精粗有在但主議之家太用古置若令依古高祖  
之法復須昇降誰敢措意有是非哉以是爭故久廢  
不理然律令相須不可偏用今律班令止於事甚滯

若令不班，是無典法。臣下執事何依而行？臣等修律，非無勤止。署下之日，臣乃無名，是謂農夫盡力，他食其秋，功名之所，實懷於愧。

晉祚剝喪，中原陸沉，士民流徙，學業荒亡。及魏氏之興，彼雖自傳鵠音，此尚蒙其獷氣，遂使文詞削色，百歲無光。如此之流，未易一二見。



Blank manuscript area with vertical lines.

蕭寶寅

字智亮寶卷母弟也封建安王蕭衍既克建業殺其兄弟將害寶寅穿墻夜出具小船于江岸晝伏宵行至壽春之東城揚州刺史任城王澄以車馬侍衛迎之時年十六徒步憔悴見者以爲畧賣生已也

考績表

正光二年爲尚書左僕射善於吏職甚有聲名四年上表

表曰臣聞堯典有黜陟之文周書有考績之法雖其源難得而尋然條流抑亦可知矣大較在于官人用才審於所莅練迹校名驗於虛實豈不以臧否得之餘論優劣著於歷試者乎既聲窮於月旦品定於黃紙用效於名輩事彰於臺閣則賞罰之途差有商準



用捨之宜。非無依據。雖復勇進忘退之儔。奔競于市里。過分亡涯之請。馳騫於多門。猶且顧其聲第。慎其與奪。器分定於下。爵位懸於上。不可妄叨故也。今竊見考功之典。所懷未喻。敢竭無隱。試陳萬一。何者。竊惟文武之名。在人之極地。德行之稱。爲生之最首。忠貞之美。立朝之譽。仁義之號。處身之端。自非職惟九官。任當四岳。授曰爾諧。讓稱俞往。將何以克厭大名。允茲令問。自比以來。官罔高卑。人無貴賤。皆飾辭假說。用相褒舉。涇渭同波。薰蕕共器。求者不能量其多。



少與者不復覈其是非。遂使冠履相貿名與實爽。謂之考功。事同汎涉。紛紛漫漫焉。可勝言。又在京之官。積年一考。其中或所事之主。遷移數四。或所奉之君。身亡廢絕。或具寮離索。或同事凋零。雖當時文簿記其殿最。日久月深。駁落都盡。人有去留。誰復掌其勤墮。或停休積稔。或分隔數千累年之後。方求追訪。聲迹立其考第。無不苟相悅附。共爲脣齒。飾垢掩疵。妄加丹素。趣令得階而已。無所顧惜。賢達君子。未免斯患。中庸已降。夫復何論。官以求成身。以請立上下相。



蒙莫斯爲甚。又勤恤人隱，咸歸守令，厥任非輕。所責實重。然及其考課，悉以六載爲程。旣而限滿代還，復經六年而敘。是則歲周十二，始得一階。於東西兩省，文武閑職，公府散佐，無事冗官，或數旬方應一直。或朔望止於暫朝。及其考曰：更得四年爲限。是則一紀之中，便登三級。彼以實勞劇任而遷貴之路至難。此以散位虛名而升陟之方甚易。何內外之相懸令厚薄之如是。又聞之聖人大寶曰：位何以守？位曰仁。孟子亦曰：仁義忠信，天爵也。公卿大夫，人爵也。古之人

修其天爵而人爵從之。故雖文質異時。污隆殊世。莫不實茲名器。不以假人。是以賞罰之柄。恒自持也。至乃周之藹藹。五叔無官。漢之察察。館陶徒請。豈不重骨肉。私親親。誠以賞罰一差。則無以懲勸。至公暫替。則覲覲相欺。故至慎至惜。殷勤若此。况乎親非肺腑。才乖秀逸。或克單介之使。始無汗馬之勞。或說興利之規。終慙十一之潤。皆虛張無功。妄指羸益。坐獲數階之官。藉成通顯之貴。於是巧詐萌生。僞辯鋒出。役萬慮以求榮。開百方而逐利。握樞秉鈞者。亦知其苦。



斯但抑之則其流已注。引之則有何紀極。夫琴瑟在於必和。更張求其適調。去者既不可追。來者猶或宜改。按周官太宰之職。歲終則令官府各正所司。受其會計。聽其致事。而詔於王。三歲則大計群吏之治而誅賞之。愚謂今可粗依其準。見居官者。每歲終。本曹皆明辨在官日月。具覈才行能否。審其實用。而注其上下。游辭宕說。一無取焉。列上尚書。覆具合否。如有紕謬。卽正而罰之。不得方復推詰。委否。容其進退。旣定其優劣。善惡交分。庸短下第。黜凡以明法。幹務忠

清甄能以記賞。總而奏之。經奏之後。考功曹別書于黃紙油帛。一通。則本曹尚書與令僕印署。留於門下。一通。則以侍中黃門印署。掌在尚書。嚴加緘密。不得開視。考績之日。然後割共裁量。如此。則少存實錄。薄止姦回。其內外考格。裁非庸管。乞求博議。以爲畫一。若殊謀異策。事關廢興。遐邇所談。物無異議者。自可臨時斟酌。匪拘恒例。至如援流引比之訴。貪榮求級之請。如不限以關鍵。肆其傍通。則蔓草難除。涓流遂積。藏我彝章。撓茲大典。謂宜明加禁斷。以全至治。開



返本之路。杜撓敝之門。如斯則吉士盈朝。薪樵載煥矣。

寶衍以孤童子國亡家破徒步竄亡未及就館請  
乞斬衰可謂明智有禮身既顯重立言立事蓋將  
有以師徒數喪疑阻既成稱號舉兵所謂倒逆臨  
訣之際魏所妻之主率其男女就哭盡哀貌色不  
動烈丈夫矣哉

張爽

字慶賓清河人性公澁有風氣歷覽經史高祖  
初襲祖平陸侯爵少而豪放出入殿庭步眄高  
上無所顧忌愛好知已輕忽  
下流非其意者視之蔑爾

歷帝圖表

表曰臣聞元天高朗尚假列星以助明洞庭淵湛猶  
藉衆流以增大莫不以孤照不諳其幽獨深未盡其  
廣先聖識其若此必取物以自誠故堯稱則天設謗  
木以曉未明舜稱盡善懸諫鼓以規政闕虞人獻箴  
規之旨盤盂著舉動之銘庶幾見善而思齊聞惡以  
自改眷眷於悔往之衢孜孜於不逮之路用能聲高



百王卓絕中古。經十氏而不渝。歷二千而孤鬱。伏惟  
太祖撥亂。奕代重光。世祖以不世之木。開盪宙夏。顯  
祖以溫明之德。潤伏九區。高祖大聖臨朝。經營云始。  
未明求衣。日昃忘食。開翦荆棘。徙御神縣。更新風軌。  
冠帶朝流。海東雜種之渠。衡南異服之帥。沙西龜頭  
之戎。漠北辮髮之虜。重譯納貢。請吏稱藩。積德懋於  
夏殷。富仁盛於周漢。澤教旣明。武功亦興。猶且發明  
詔。思求直士。信是蒼生薦言之秋。祝史陳辭之日。況  
臣家自奉國八十餘年。紆金錯玉。及臣四世。過以小



思未蒙陛下不遺之施。待則出入兩都。官歷納言常  
伯。忝牧秦藩。號兼安撫。實思碎首膏原。仰酬二朝之  
惠。輕塵碎石。遠增嵩岱之高。輒私訪舊書。竊觀圖史。  
其帝皇興起之元。配天隆家之業。修造益民之奇。龍  
麟雲鳳之瑞。卑宮愛物之仁。釋網改祝之澤。前歌後  
舞之應。囹圄寂寥之美。可爲輝風景行者。輒謹編丹  
青。以標睿範。至如太康好田。遇窮不迫。禍武乙逸禽。  
惟震雷暴酷。夏桀淫亂。南巢有非命之誅。殷紂昏酣。  
牧野有倒戈之陳。周厲逐獸。滅不旋踵。幽王遇惑。死



亦相尋。暨於漢成失御。亡新篡奪。桓帝不綱。魏武遷  
鼎。晉惠闇弱。骨肉相屠。終使聰曜。鴟視并州。勒虎狼  
據燕趙。如此之輩。罔不畢載。起元庖犧。終於晉末。凡  
十六代。百二十八帝。歷三千二百七十年。雜字五百  
八十九。合成五卷。名曰歷帝圖。亦謗本諫鼓。虞人盤  
盂之類。脫蒙置御坐之側。時復披覽。冀起起予左右。  
上補未萌。伏願陛下。遠惟宗廟之憂。近存黎民之念。  
取其賢君。棄其惡主。則微臣雖沉淪地下。無異乘雲  
登天矣。



崔光

本名孝伯字長仁高祖賜名焉東清河人家貧好學傭書以養父母太和六年拜著作郎與李

彪參撰國書高祖曰孝伯之才浩

浩如黃河東注固今日之文宗也

諫登佛圖表

靈太后幸永寧寺躬登九層佛圖光表諫

諫曰伏見親昇上級佇蹕表制之下祇心圖構誠爲

福善聖躬玉趾非所踐陟臣庶惶惶竊謂未可按禮

記爲人子者不登高不臨深古賢有言策畫失於廟

堂大人蹙於中野漢書上欲西馳下峻坂袁盎攬轡

停輿曰臣聞千金之子不垂堂百金之子不倚衡如

有車敗馬驚奈高廟太后何又云上酬祭廟出欲御



樓船薛廣德免冠頓首曰、宜從橋、陛下不聽臣、臣以  
血污車輪、樂正子春曾參弟子、亦稱至孝、固自謹慎、  
堂基不過一尺、猶有傷足之愧、永寧累級、閣道回隘、  
以柔懦之寶體、乘至峻之重峭、萬一差跌、千悔何追、  
禮將祭宗廟、必散齋七日、致齋三日、然後入祀、神明  
可得而通、今雖容像未建、已爲神明之宅、方加雕績、  
飾麗丹青、人心所祇、銳觀滋甚、登者旣衆、異懷若面、  
縱一人之身、恒盡誠潔、豈左右闕妾各竭虔仰、不可  
獨昇、必有扈侍、慎或忘懼、非飲酒茹葷而已、昨風霾



暴興紅塵四塞白日晝昏特可驚畏春秋宋衛陳鄭  
同日而災伯姬待姆致焚如之禍去皇興中青州七  
級亦號崇壯夜爲上火所焚雖梓慎裨竈之明尚不  
能逆尅端兆變起倉卒預備不虞天道幽遠自昔深  
誠墟墓必哀廟社致敬望塋悽慟入門聳慄適墓不  
登隴未有昇陟之事傳云公旣視朔遂登觀臺其下  
無天地先祖之神故可得而乘也內經寶塔高華堪  
室十萬唯盛言香花禮拜豈有登上之義獨稱三寶  
階從上而下人天交接兩得相見超世竒絕莫可而



擬恭敬拜跪。悉在下級。遠存矚眺。周見山河。因其所  
眄。增發嬉笑。未能級級加虔。步步崇慎。徒使京邑士  
女。公私湊集。上行下從。理勢以然。迄於無窮。豈長世  
競慕一登。而可抑斷哉。蓋心信爲本。形敬乃末。重實  
輕根。靖實躁君。恭已正南面者。豈月乘峻極。旬御層  
階。今經始旣就。子來自勸。基構已興。雕絢漸起。紫山  
華臺。卽其宮也。伏願息躬親之勞。廣風靡之化。因立  
制防。班之條限。以遏囂汚。永歸清寂。下竭蕭穆之誠。  
上展瞻仰之敬。勿踐勿履。顯固億齡。融教闡悟。不其

胡后雖亂能受盡言就令不從猶加慰諭從來垢  
婦必大有方曉



欽此大育衣

伏願息男親之勞后承之德

所司雖謂受盡旨諒令不致辭吹拂備邇未

是謂所一故勿敗勿後願同德

辛雄

字世賓隴西人有孝性涉書史好刑名廉謹雅素不妄交友孝昌元年元法僧以城南叛詔雄

副太常元晦

乘驛催君

軍令賞罰疏

雄在軍上疏

疏曰凡人所以臨堅陳而忘身觸白刃而不憚者一則求榮名二則貪重賞三則畏刑罰四則避禍難非此數事雖聖王不能勸其臣慈父不能厲其子明主深知其情故賞必行罰必信使親疎貴賤勇怯賢愚聞鍾鼓之聲見旌旗之列莫不奮激競赴敵場豈厭久生而樂早死也利害懸於前欲罷不能耳自秦隴

魏書

疏



逆節將歷數年。蠻左亂常。稍已多載。凡在戎役數十萬人。三方師衆。敗多勝少。跡其所由。未明賞罰。故也。陛下欲天下之早平。愍征夫之勤悴。乃降明詔。賞不移時。然兵將之勲。歷稔不決。亡軍之卒。晏然在家。致令節士無所勸慕。庸人無所畏懾。進而擊賊。死交而賞賒。退而逃散。身全而無罪。此其所以望敵奔沮。不肯進力者矣。若重發明詔。更量賞罰。則軍威必張。賊難可弭。臣聞必不得已。去食就信。以此推之。信不可斯須廢也。賞罰。陛下之所易。尚不能全而行之。攻敵。

士之所難。欲其必死。寧可得也。臣旣庸弱。忝當戎使。職司所見。輒敢上聞。惟陛下審其可否。



02

元遙

字太原京兆王子推子有器望從高祖南征賜爵饒陽男

除屬藉表

初遙大功昆弟皆是恭宗之孫至肅宗而本服絕故除遙等屬藉遙表

竊聞聖人所以南面而聽天下其不可得變革者則親也尊也四世而總服窮五世而祖免六世而親屬竭矣去茲以往猶繫之以姓而弗別綴之以食而弗殊又律云議親者非唯當世之屬親歷謂先帝之五世謹尋斯旨將以廣帝宗重磐石先皇所以變茲事條爲此別制者太和之季方有意于吳蜀經始之費慮深在初割減之起暫出當時也且臨淮王提分屬



籍之始。高祖賜帛三千疋。所以重分離。樂浪王長命。亦賜縑二千匹。所以存慈睠。此皆先朝殷勤克志。不得已而然者也。古人有言。百足之蟲。至死不僵者。以其輔已者衆。臣誠不欲妄親太階。苟求潤屋。但傷大宗一分。則天子屬籍。不過十數人而已。在漢諸王之子。不限多少。皆列土而封。謂之曰侯。至于魏晉。莫不廣胙山河。稱之曰公者。蓋惡其太宗之不固。骨肉之恩疎矣。臣去皇上。雖是五世之遠。于先帝便是天子之孫。高祖所以國秩祿賦。復給衣食。后族唯給其賦。

不與衣食者。欲以別外內。限異同也。今諸廟之感。在心。未忘行道之悲。儻然已及其諸封者。身亡之日。三年服終。然後改奪。今朝廷猶在過密之中。便議此事。實用未安。

帝者子孫五世絕籍。前所未聞。其時議定刑律。父爲母殺。子告者死。諸此錯謬詭怪。不一。豈非鷹視不除梟首難化者哉。



帝昔肝將正世雖辭前而未聞其執籍安所辭父  
實因味矣。言則土而封之曰天子。天子之貴莫  
爭。雖然然則事今時或辭去。殿密之中則籍此事  
以未忘。言其悲。新然曰。又其辭佳。昔良士之日三  
不與。元會昔時。以恨。恨內。知異同。外今。籍。願之。風。在。

張普惠

字洪賑常山人身長八尺容貌魁偉父曄為齊州中水令隨父之縣受業齊土專心墳典

及還鄉里就程玄講習精於三禮春秋百家之說多所窺覽

奏記任城王澄

澄為雍州啓普惠為參軍澄功衰在身欲於七月七日集會馬

射普惠

奏記

奏曰竊聞三殺九親別踈昵之敘五服六術等衰麻之心皆因事飾情不易之道者也然則莫大之痛深於終身之外書策之哀除於喪紀之內外者不可無節故斷之以三年內者不可遂除故敦之以日月禮大練之日鼓素琴蓋推以卽吉也小功以上非虞祔




練除不沐浴此拘之以制也曾子問曰相識有喪服  
可以與於祭乎孔子曰總不祭又問助於人祭既不  
與疑無宴食之道又曰廢喪服可以與於饋奠之事  
乎子曰脫衰與奠非禮也注云爲其忘哀疾愚謂除  
喪之始不與饋奠小功之內其可觀射乎雜記云大  
功以下既葬適人人食之其黨也食之非黨也不食  
食猶擇人於射爲感伏見明教立射會之限將以二  
七令辰集城中文武肄武藝於北園行揖讓於中否  
時非大閱之秋景涉妨農之節國家編禪甫除殿下

功衰仍襲釋而爲樂。以訓百姓。便是易先王之典教。忘哀戚之情。恐非所以昭令德。視子孫者也。按射儀。射者以禮樂爲本。忘而從事。不可謂禮。鍾鼓弗設。不可謂樂。捨此二者。何用射爲。又七日之戲。令制無之。班勞所施。慮違事體。庫府空虛。宜待新調。二三之趣。停之爲便。乞至九月。備飾盡行。然後奏狸首之章。宜矍相之令。聲軒懸。建雲鉦。神民忻暢於斯時也。伏惟慈明遠被。萬民是望。舉動所書。發言惟則。願更廣訪。賜垂曲採。昭其管見之心。恕其黨言之責。則芻蕘無



五

卷之五



張普惠

論崇佛法疏

肅宗不親視朝過崇佛法知廟之事多委有司普惠上疏

疏曰臣聞明德卹祀成湯光六百之祚嚴父配天孔子稱周公其人也故能馨香上聞福傳遐世伏惟陛下重暉纂紀欽明文思天地屬心百神佇望故宜敦崇祀禮咸秩無文而告朔朝廟不親於明堂嘗禘郊社多委於有司觀射遊苑躍馬騁中危而非典豈清蹕之意殖不思之冥業損巨費於生民減祿削力近供無事之僧崇飾雲殿遠邀未然之報昧爽之臣稽



首於外。玄寂之衆。遨遊於內。愆禮忤時。人靈未穆。愚  
謂從朝夕之因。求祗劫之果。未若先萬國之忻心。以  
事其親。使天下和平。災害不生者也。伏願淑慎威儀。  
萬邦作式。躬致郊廟之虔。親紆朔望之禮。釋奠成均。  
竭心千畝。明發不寐。潔誠禋祫。孝悌可以通神明德。  
教可以光四海。則一人有喜。兆民賴之。然後精進三  
寶。信心如來。道由化深。故諸漏可盡。法隨理積。故彼  
岸可登。量撒僧寺不急之華。還復百官久折之秩。已  
與之構。務從簡成。將來之造。權令停息。仍舊亦可。何

必改作。庶節用愛人。法俗俱賴。臣學不經遠。言多孟浪。忝職其憂。不敢默爾。

魏明既稚而弱。見脅母后。凡此之舉。豈所得專。





楊恭之

字道穆行字于世學涉經史非名儒士不與交結

改鑄表

時用錢稍薄道穆表

表曰四民之業錢貨爲本救弊改鑄王政所先自頃以私鑄薄濫官司糾繩挂網非一在市銅價八十一文得銅一片私造薄錢斤餘二百既示之以深利又隨之以重刑罹罪者雖多姦鑄者彌衆今錢徒有五銖之文而無二銖之實薄甚榆筴上貫便破置之水上殆欲不沈此乃因循有漸科防不切朝廷之愆彼復何罪昔漢文帝以五分錢小故鑄四銖至武帝復



改三銖爲半兩。此皆以大易小以重代輕也。論今據古宜改鑄大錢。文載年號以記其始。則一斤所成止七十六文。銅價至賤。五十有餘。其中人功食料錫炭鉛沙縱復私營不能自潤。直置無利。自應息心。況復嚴刑廣設也。以臣測之。必當錢貨永通。公私獲允。所云錢之值若金之值。雖賞不爲者也。古人先得此意。

王林

字元書晉陽人少以父任拜秘書中散永熙中除瀛州刺史

風電疏

時有風電之變詔書廣訪讜言椿乃上疏

疏曰伏奉詔書以風電厲威上動天聽訪讜辭于百  
辟詔與誦於四海宸衷懇切備在絲綸祇承兢感心  
焉靡厝伏惟陛下啓錄應期馭育萬物承綴旒之艱  
運纂纖絲之危緒忘餐日昃求衣未聞俾上帝下臨  
愍茲荼蓼永濟溝壑而滄浪降戾作害中秋上帝照  
臨義不虛變竊惟風爲號令皇天所以示威電者氣  
激陰陽有所交諍殆行令殊節舒急失中之所致也



昔澍雨千里實緣教祀之誠炎精三舍寧非善言之  
力譴不空發徵豈謬應誰謂蓋高實符人事伏願陛  
下留心曲覽垂神遠察禮賢登士博舉審官擢申滯  
怨振窮省役使夫滋水沒川之彥畢居朝右儀表丹  
青之位未或虛加同土絕五毒之民揆日息千門之  
費巖巖庫署無不遇之士忪忪惇獨荷酒帛之恩則  
物見昭蘇人知休泰徐奏薰風之曲無論鴻鴈之歌  
豈不天人幸甚鬼神咸抃

王啟私侍文明富貴歿身又有能子何多幸也

韓延之

字顯宗南陽人魏司徒暨之後司馬平西府錄事參軍劉裕父名翹字顯完于是延之字

顯宗名子爲翹示不臣劉氏也俊奔

姚興太常二年與司馬文思來入國

報劉裕書

劉裕率伐司馬休之未至江陵密使與延之書招之延之報之裕得書歎

息以示諸佐曰

事人當應如此

聞親率戎馬遠履西畿闔境士庶莫不怪駭何者莫知師出之名故也司馬平西體國忠貞款愛待物當于古人中求耳劉裕足下海內之人誰不見足下此心而復欲欺誑國士天地所不容在彼不在此矣今伐人之君啗人以利真可謂處懷期物自有由來者



矣。以平西之至德寧無授命之臣乎。假令天長喪亂。九流渾濁。當與臧洪遊于地下。不復多言。

此人以列晉傳此書亦載朱紀然用心如此卽此走胡南走越無所傷屈也

元熙

字真與獻武王英子好學俊爽聲著于世  
延昌二年襲封歲中除東秦州刺史

與知故書

初熙爲清河王懌所昵及劉騰元叉  
隔絕二官矯詔殺懌熙乃起兵爲其  
長史柳元章執置高樓將死與知故書

吾與弟並蒙皇太后知遇兄據大州弟則入侍殷勤  
言色恩同慈母今皇太后見廢北宮太傅清河王橫  
受屠酷主上幼年獨在殿前君親如此無以自安故  
率兵民建大義于天下但智力淺短旋見囚執上慙  
朝廷下愧相知本以名義于心不得不爾流腸碎首  
復何言哉昔李斯憶上蔡黃犬陸機想華亭鶴唳豈



不以恍惚無際一去不還者乎。今欲對秋月。臨春風。  
藉芳草。蔭花樹。廣召名勝。賦詩洛濱。其可得乎。凡百  
君子。各敬爾宜。爲國爲身。善勗名節。立功立事。爲身  
而已。吾何言哉。

胡后之亂。亦可以廢元父之專。亦可以討然熙之  
此舉懷清河。狎驪之私。淫后畜養之恩耳。非大義  
激中無爲爲之者也。臨命之言。志悲而才見矣。

高允

字伯恭渤海人少孤夙成有奇度推財與弟爲沙門未久而罷擔簦負書千里就業博通經史

天文術數神薈四年與盧玄等俱被徵

徵士頌序

允以昔歲同徵零落將盡成士懷人作徵士頌

夫百王之御世也莫不資仗群木以隆治道故周文以多士克寧漢武以得賢爲盛此載籍之所記由來之常義魏自神薈已後宇內平定誅赫連積世之僭掃窮髮不羈之寇南摧江楚西盪涼域殊方之外慕義而至於足偃兵息甲修立文學登延儔造酬諮政事夢想賢哲思遇其人訪諸有司以求名士咸稱范



陽盧玄等四十二人皆冠冕之胄著問州邦有羽儀  
之用親發明詔以徵玄等乃曠官以待之懸爵以縻  
之其就命三十五人自餘依例州郡所遣者不可稱  
記爾乃髦士盈朝而濟濟之美興焉昔與之俱蒙斯  
舉或從容廊廟或游集私門上談公務下盡忻娛以  
爲千載一時始於此矣日月推移吉凶代謝同徵之  
人凋殲殆盡在者數子然復分張往昔之忱變爲非  
感張仲業東臨營州遲其還返一敘于懷齊矜于垂  
歿之年寫情於桑榆之末其人不幸復至殞歿在朝

帝次

字仕明河內溫人爽永而嚴正有志槩未嘗見其有寬誕之容明習緯候五經百家多所研綜

### 六經略注序

時貴游子弟未遑學術爽置館教授門徒七百餘人教授之暇述六

經畧注以

廣制作

序曰傳稱立天之道曰陰與陽立地之道曰柔與剛立人之道曰仁與義然則仁義者人之性也經典者身之文也皆以陶鑄神情啓悟耳目未有不由學而能成其器不由習而能利其業是故季路勇士也服道以成忠烈之槩甯越庸夫也講藝以全高尚之節蓋所由者習也所因者本也本立而道生身文而德



備焉。昔者先王之訓天下也。莫不導以詩書。教以禮樂。移其風俗。和其人民。故恭儉莊敬而不煩者。教深於禮也。廣博易良而不奢者。教深於樂也。溫柔敦厚而不愚者。教深於詩也。疏通知遠而不誣者。教深於書也。潔靜精微而不賊者。教深於易也。屬辭比事而不亂者。教深於春秋也。夫樂以和神。詩以正言。禮以明體。書以廣聽。春秋以斷事。五者。蓋五常之道。相須而備。而易爲之源。故曰。易不可見。則乾坤其幾乎息矣。由是言之。六經者。先王之遺烈。聖人之盛事也。安

可不遊心。寓目習性。文身哉。頃因暇日。屬意藝林。畧撰所聞。討論其本。名曰六經畧注。以訓門徒焉。

時儒業不顯。傳亦寥絕。夫以酈道元之該覈。不置儒林之死。而別傳酷吏。又止以殺藩王。倖人于曲赦。後一事實之。此史尚其可信哉。



實

入

成

而

實

入

成

而

而

實

入

成

而

實

入

成

而

實

入

成

而

實

入

成

而

實

入

成

而

實

入

成

而

實

入

成

而

實

入

成

而

實

入

成

而

實

入

成

房景先

字光胄清河人法壽族子幼孤貧無資從師其母自授毛詩曲禮畫則樵蘇夜誦經史自

是精勤遂大通瞻太和中解褐太常博士太常劉芳侍中崔光當世儒宗嘆其精博

五經疑問

景先作五經疑問百餘篇符璽郎王神貴答之名爲辯疑合成十卷

問王者受命水火相生曰五精代感稟靈者興金德方隆禎發華渚水運告昌瑤光啓祚人道承天天理應實受謝旣彰玄命若契相生之義有允不違至如湯武革命殺伐是用水火爲次遵而不改旣事垂代終而數同納麓逆順且殊禎運宜異而兆徵不差有疑符應。



問。禹以鯀配天。舜不尊父。曰。明明上天。下土是冒。道  
高者負扈四方。神積者郊原斯主。是以則天不能私  
其子。紹堯不敢尊其父。鯀旣罪彰于山川。受殛于羽  
裔。化質與鱗甲爲群。銘精不能上乘箕尾。而厚尊配  
于國陽。當升煙之大禮。苟存及躬。以亂祀典。降上帝  
爲罪鬼之賓。奏夾鍾爲介蟲之樂。奉天之道。不乃有  
淪乎。

問。湯尊稷廢柱。曰。神積道存。異世同尊。列山見享。綿  
祀前代。成湯革命承天。當愆陽之運。不思理數之有

時黜元功于百世。且畢箕感應。風雨異微。尊播殖之靈。而邀滂澍之潤。升廢之道。無乃謬與。若枉不合薦虞夏。應失之于前。如以歲久宜遷。百神可計日而代求之。二三未究往昔。

問。湯剋桀。欲遷夏社爲不可。武王滅紂。以亳社爲亡國之誡。曰。神無定方。唯人爲主。道協無爲。天地自依。棄德弗崇。百靈更祀。周武承天。禮存歲秩。升后稷當四圭之尊。貶土祗隔牲粢之享。就如言之。稷稟靈威。誠允聿追之宜。社非商祖。孝孚乃考之咎。殷鑒致誠。



何獨在斯。

問。易著革命之爻。而無揖讓之象。曰。玄黃剖別。人道  
爲尊。含靈佇化。故義始元首。是以飛龍啓徵。大人載  
就。及理運相推。帝圖異序。虞賓以爲善終。順守有慙。  
未盡不顯揖讓之象。而著已日之美。豈可兆巨釁。爲  
貽厥之謀。訓萬世而開安忍之闕一字求之反衷。未識理  
起。

問。周禮秋官司烜氏。邦若屋誅。爲明竈焉。曰。王道貴  
仁。聖向恩。舊德見食。八象載其美。五宥三刺。禮經

實其仁。是以祿父巨釁。殷禮不輟。三監亂德。蔡胤猶存。罪莫極于無上。逆莫甚于違天。行大辟。禍不及族。理正刑。愆止于身。何惡當參夷之禍。何戾受淪殄之事。

問。儀禮繼母出嫁。從爲之服。傳云貴終其恩。曰繼母配父。本非天屬。與尊合德。名義以興。兼鞠育有加。禮服自重。旣體違義盡。棄節毀慈。作嬪異門。爲鬼他族。神道不全。何終恩之有。方齊服是追。哭于野次。苟存降重。無乃過猶不及乎。



問禮記生不及祖父母父母稅喪已則否曰服以恩制禮猶義立慈母三年孫無總葛者以戚非天屬報養止身祖雖異域恩不及已但正體于下可無服乎且縞冠玄武子姓之服縗練之後纓經已除猶懷慘素未忍從吉况斬焉初之創巨方始復弔之賓尚改縗襲奉哀苦次而無追變孝子孝孫豈天理是與人倫所重保育異宗承奉郊奠而乃肆極昏淫禍傾合卺之尊怙亂無終殄滅誕鞠之愛齊桓匡翼四方

正存刑矩。割不忍之恩。行至公之法。方生貶違。以殺爲甚。而神道幽默。禍降未期。雖窮勃履朝。臣不宜糾。旣事反人靈。咎將有所施之。取衷孰爲優允。

問公羊傳王者之後郊。天曰神不謬享。帝無妄尊。介丘偏祀。猶不歆季氏之旅。昊天至重。豈可納廢饗之虔。唐虞已往事。無斯典。三后已降。始見其文。揖讓之胄。禮不上通。昏瘡後燼。四圭是主。此便至道相承。乾無二統。純風旣訖。玄牡肆尊。禮不虛革。庶昭異聞。問穀梁傳魯僖三十一年夏四月卜郊不從。乃免牲。



傳曰。乃者。亡乎人之辭也。曰。樂以觀風。禮爲教本。其  
細已甚。民不堪命。齊不加兵。屈于周典。僖公魯之盛  
君。告誡虔祀。穆卜迎吉。而休徵不至。若推咎于天。則  
神不棄鑒。歸愆于人。則頌聲宜替。旣命龜失辰。靈威  
弗眷。郊享不從。配天斯缺。卽傳所言。殆非虛美。何承  
而制。

問。尚書胤征。羲和詰其罪。乃季秋月朔辰。弗合于房。  
曰。衡紀不移。日月有度。炎涼啓辰。次舍無代。履端屢  
臻。歸餘成閏。是以爰命羲和。升準徂節。使衆數應時。

火流協運。致望舒後律。耀靈爽次。卽官闕。永容可爲  
愆。玄象一差。未成巨戾。且抄秋豈圓星之辰。授衣非  
合璧之月。敘食弗當。積失加誅。律度暫差。便違殄絕。  
仁者之兵。義不妄興。王赫斯舉。將有異說。

問。毛詩十月之交。朔日辛卯。日有食之。亦孔之醜。曰。  
日月次周。行舍有常。分至之候。不爲愆咎。今同之辰。  
而爲深戾者。專以金木相殘。指日成釁。推步不一。容  
可如之。若譏見正陽日。維戊午。生育相因。猶子歸母。  
但以陰陽得無深忌乎。若爲忌也。朔亦應爲災。如不



忌也。辛卯豈獨成醜。且舉凡之始。以屬月時。繫之在日。有爽明例。義不妄構。理用何依。

問。論語河不出圖。泣麟自傷。曰。聖人稟靈天地。資識未形。齊生處于一同。等榮辱于彼我。孔子自生不辰。從心告齒。樂正既修。素王斯著。方興吾已之歎。結反袂之悲。進涉無上之心。退深負杖之懼。聖達之理。無乃缺如。

讀書如此。古之聖人爲之哭泣矣。未見其全。以此爲恨。

魏書序

良吏傳序

罷侯置守、歷年永久、統以方牧、仍世相循、所以寬猛  
爲用、庇民調俗、但廉平常迹、聲問難高、適時應務、招  
響必速、是故搏擊爲侯、起不旋踵、懦弱貽咎、錄用無  
時、此則已然於前世矣、後之爲吏、與世沈浮、叔季澆  
漓、姦巧多緒、所以蒲密無爲之化、難見其人、有魏初  
拓中州、兼并疆域、河南關右、遺黎未純、擁節分符、多  
出豐沛、政術治風、未能咸允、雖動貽大戮、而貪虐未



後而由網漏吞舟時挂一目高祖肅明綱紀賞罰必  
行肇革舊軌時多奉法世祖優游而治寬政遂往太  
和之風頗以陵替肅宗馭運天下淆然其於移風革  
俗之美浮虎還珠之政九州百群無所聞焉且書其  
爲時所稱者以著良吏云爾

魏書傳論

逸士傳論

史臣曰。古之所謂隱逸者。非伏其身而不見也。非閉其言而不出也。非藏其智而不發也。蓋以恬淡爲心。不皦不昧。安時處順。與物無私者也。畦夸輩忘懷纓冕。畢志丘園。或隱不違親。貞不絕俗。或不教而勸。虛往實歸。非有自然純德。其孰能至於此哉。



[illegible]

卷之四

序

恩倖傳序

夫令色巧言，矯情節貌，邀眄睞之利，射咳唾之私，此蓋苟進之常也。故甚者刑身淪子，其次舐痔嘗癰，况乃散金秦貨，輸錢漢爵，又何怪哉。若夫地窮尊貴，嗜欲所攻，聖達其猶病諸，中庸固不能免。男女性態，其揆斯一。二代之亡，皆是物也。據天下之圖，持海內之命，顧指如意，高下在心。此乃夏桀殷紂，喪二邦；秦母呂雉，穢兩國也。魏世王叡，幸太和之初；鄭儼，寵孝昌。



之季。主幼於前。君稚於後。乘間宣淫。殆無忌畏。樹列  
朋黨。蔽塞天聰。高祖明聖外彰。人神繫仰。御之有術。  
宗社弗墜。肅宗不言。垂拱潛濟。罕方六合。淆然。至於  
隕覆。且承顏色。竊光寵。勢等秋風。氣同夏日。亦何世  
而不有哉。此周旦所以誠其朋。詩人是爲疾。群小也。  
太宗時。王車之徒。雖云幸念。皆宣力夷險。誠效兼存。  
未如趙修等。出於近習。趨走之地。坐擅威刑。勢傾都  
鄙。得之非道。君子所以賤之。書其變態。備禍福之由。  
焉。

者皆後進之士居里者非疇昔之人進涉無寄心之所出入無解顏之地顧省形骸所以永歎而不已夫頌者美盛德之形容亦可以長言寄意不爲文二十年矣然事切於心豈可默乎

崔浩奇才不好爲文李彪著作俚言時出高久之辭每多膚襲斯文慚荒何其劇也



平矣。然事財。然山豈可耕乎。

更。青。美。盤。盤。之。河。谷。亦。以。其。言。密。故。不。我。文。二。十。

而。山。人。無。輸。賦。之。此。蘇。皆。近。端。而。以。永。模。而。不。也。夫。

昔。昔。蘇。之。士。吾。里。昔。非。郭。昔。之。人。蘇。也。無。寄。心。之。

漢魏六朝正史文選卷之二十二

北齊書

詔令

奏議

雜著

史論

文宣

立儉條詔

併省州縣詔

樊遜

對制

對制

對制



對制

對制

刁柔

五等襲爵議

中山王

答杜弼

王晞

復故人書

朱瑞

致陳尚書僕射徐陵書

祖鴻勳

與陽休之書

儒林傳序

恩倖傳序

漢魏六朝正史文選卷之二十二

月終

漢魏六朝正史文選卷之二十二

月二





漢魏六朝正史文選卷之二十三

周書

詔令

奏議

雜著

史論

文帝

下朝士令

閔帝

命使省視風俗詔

明帝

造周曆詔

武帝



甲子乙卯停樂詔

正調外無徵發詔

立通道觀詔

宣帝

災異屢見詔

靜帝

復姓詔

蘇綽

治心

敦教化

盡地利

擢賢良

卹獄訟

均賦役

庾信

哀江南賦序

武高紀論

文閔明武宣諸子傳論



異域傳序

齊煬王論

李賢傳論

竇熾竇毅于翼李穆傳論

王罷王思政傳論

趙善元定楊擲裴寬楊敷傳論

鄭偉楊纂段永王士良崔彥穆令狐整司馬裔

裴果傳論

藝術傳論

異域傳論

通鑑六朝正史文選卷之二十三

目錄

卷之二十三

三



六部正史文選

目三

漢魏六朝正史文選卷之二十四

隋書

詔令

奏議

雜著

史論

高祖

報李穆詔

勸學行禮詔

赦李穆百死詔

報梁睿詔

賜高麗王湯璽書

簡省國學生詔



煬帝

伐高麗詔

遺史祥書

柳昂

請勸學行禮表

牛弘

請開獻書之路表

長孫晟

論突厥書

柳彧

請禁絕百姓角觝戲奏

李諤

論文體書

皇甫績

遺顧子元書

豫章王

遺崔頤書

薛道衡



高祖文皇帝頌序

許善心

神雀頌序

煬帝紀論

后妃傳論

刑法志序

循吏傳序

藝術傳序

外戚傳序

后妃傳論

梁王彥宇文忻王誼元諧王世積虞慶則元胄  
傳論

西域傳論

漢魏六朝正史文選卷之二十四

終

六月王史文選

卷之二十四

三





宋子思子文神王靖武陽王川行錄卷五

宋子思子文神王靖武陽王川行錄卷五

北齊書

許清胤介夫

古鄞陳元亮寅倩

雲間

輯評

顧在觀觀生

姜思達爾兼叅訂

句章陳

裕廣生

陳

祐天生

文宣

諱洋字子進南直歡第二子世宗澄母弟魏武定七年八月世宗遇害親總庶政務崇寬厚魏

詔進帝齊郡王加九錫奉皇帝璽綬禪代

立儉條式詔

天保元年

詔曰頃者風俗流宕浮競日滋家有吉凶務求勝異婚姻喪葬之費車服飲食之華動竭歲資以營日富



又奴僕帶金玉婢妾衣羅綺始以勑出爲奇後以過  
前爲麗上下貴賤無復等差今運屬惟新思蠲往弊  
反朴還淳納民軌物可量事具立條式使儉而獲中

文宣

併省州縣詔

天保七年二月

詔曰崑山作鎮。厥號神州。瀛海爲池。是稱赤縣。蒸民  
乃粒。司牧存焉。王者之制。沿革迭起。方割成災。肇分  
十二水土。旣平。還復九州。道或繁簡。義在通時。殷因  
于夏。無所改作。然則日月纏于天次。王公國于地野。  
皆所以上叶玄儀。下符川嶽。逮于秦政。鞭撻區寓。罷  
侯置守。天下爲家。洎兩漢承基。曹馬屬統。其間損益  
難以勝言。魏自孝昌之季。數鍾澆否。祿去公室。政出



多門衣冠道盡黔首塗炭銅馬鐵脛之徒黑山青犢  
之侶梟張晉趙豕突燕秦綱紀從茲而頽彝章因此  
而紊是使豪家大族鳩率鄉部託迹勤王規自署置  
或外家公主女謁內成昧利納財啓立州郡離大合  
小本逐時宜割竹分符蓋不獲已牧守令長虛增其  
數求功錄實諒足爲煩損害公私爲弊殊久旣乖爲  
政之禮徒有驅羊之費自爾因循未遑刪改朕寅膺  
寶曆恭臨八荒建國經野務存簡易將欲鎮躁歸靜  
反薄還淳苟失其中理從刊正傍觀舊史逖聽前言

周曰成康。漢稱文景。編戶之多。古今爲最。而丁口減於疇日。守令倍於昔辰。非所以馭俗調風。示民軌物。且五嶺內賓。三江廻化。拓土開疆。利窮南海。但要荒之所。舊多浮僞。百室之邑。便立州名。三戶之民。空張郡目。譬諸木犬。猶彼泥龍。循名督實。事歸烏有。今所併省。一依別制。

文宣受命。初政厲圖。雖未雅馴。詔書屢下。及乎罔念。旣作寂爾。無聞終齊之世。遂耿可採。



命頌者其詞既雅其意亦幽也

皇宗命頌之詞其意亦幽也

命頌一編其詞其意亦幽也

命頌一編其詞其意亦幽也

命頌一編其詞其意亦幽也

命頌一編其詞其意亦幽也

命頌一編其詞其意亦幽也

命頌一編其詞其意亦幽也

命頌一編其詞其意亦幽也

樊遜

字孝謙河東人性至孝負土成墳植栢方數十畝常服東方朔之言避世金馬何必深山蒿廬

之下

對制

問升中紀號  
天保五年  
梁州表舉遜為秀才

臣聞巡嶽之禮勒在虞書省方之義著于易象往帝  
前王匪唯一姓封金刊玉億有餘人仲尼之觀梁甫  
不能盡識夷吾之對齊桓所存未幾然盛德之事必  
待太平苟非其人更貽靈譴秦皇無道致風雨之災  
漢武奢淫有奉車之害及文叔受命炎精更輝四海  
安流天下輯睦劔賜騎士馬駕鼓車乃用張純之文

七  
對制

對制



始從伯陽之說，至于魏晉，雖各有君，量德而處，莫能擬議。蔣濟上言于前，徒穢紙墨。袁淮發論于後，終未施行。世歷三朝，年將十祀，啟聖之期，茲爲昌會。然自木德不競，函谷封塗，天馬息歌，苞茅絕貢。我太祖收寶鷄之瑞，握鳳皇之書，體一德以匡朝，屈三分而事主，蕩此妖寇，易如沃雪。但昌旣受命，發乃行誅。雖太白出高，中國宜戰，置之度外，望其遷善。伏惟陛下，以神武之姿，天然之畧，馬多冀北，將異山西。涼風至，白露下，北上太行，東臨碣石，方欲吞巴蜀而掃嶠函，苑



長洲而池江漢復恐迎風縱火芝艾共焚按此六軍  
未申九伐夫周發牙璋漢馳竹使義在濟民非開好  
戰至如投鼠忌噐之說蓋是常談文德懷遠之言豈  
識權道今三臺令子六郡良家蓄銳須時裹糧待詔  
未若龍駕虎服先收隴右之民電轉雷驚因取荆南  
之地昔秦舉長平金精食鼎楚攻鉅鹿枉矢霄流况  
我威靈能無協讚但使彼之百姓一覩六軍似見周  
王若逢司隸然後除其苛令與其約法振旅而還正  
戈爲武標金南海勒石東山紀天地之奇功被風聲



于千載若令馬兒不死子陽尚在便欲案明堂之圖  
草射牛之禮比德論功多慙徃列升中告禪臣用有  
疑

樊遜

對制

問求賢  
審官

臣聞彫獸畫龍，徒有風雲之勢；金舟玉馬，終無水陸之功。三駕禮賢，將收實用；一毛不拔，復何足取。是以堯作虞賓，遂全箕山之操；周移商鼎，不納孤竹之言。但處士盜名，雖云久矣；朝臣竊位，蓋亦實多。漢拜丞相，便有鍾鼓之妖；魏用三公，乃至孫權之笑。故山林之與朝廷，得容非毀；肥遯之與賓主，翻有優劣。至于時非蹈海，而曰羞作秦民；事異出關，而言耻從衛亂。



雖復星于帝座、不易高尚之心、月犯少微、終存耿介之志。自我太嶽之後、克廣洪業、禹至神宗、舜格文祖、陛下受天明之命、光華日月、爰自納麓、乃格文祖、儀天地以設宮、象星辰而布職、漢家神鳳、慙用紀年、魏氏青龍、羞將改號、上膺列宿、咸是異人、下法山川、莫非奇士、所以畫堂甲觀、脩德日新、廟鼎歌鍾、王勳歲委、循名責實、選衆舉能、朝無銅臭之公、世絕錢神之論、昔百里相秦、名存雀籙、蕭張輔沛、姓在河書、今日公卿、抑亦天授與之爲治、何欲不遂、未必稽首天師。

方聞牧馬之術。膝行山上。始得治身之道。但使帝德  
休明。自彊不息。甲夜觀書。支日通奏。周昌桀紂之論。  
欣然開納。劉毅桓靈之比。終自含弘。高懸王爵。唯能  
是與。管庫靡遺。漁鹽畢錄。無令桓譚非議。官止於郡。  
丞趙壹負才。位終於計掾。則天下宅心幽明。知感歲  
精仕漢風。伯朝周真人去。而復歸台星。圻而還歛。詩  
稱多士。易載羣龍。從此而言。可以無愧。

高氏相傳。不知文義。封章遂絕。渙汗不流。猶然徇  
彼虛聲。得茲策對。其義雖正。其言雖直。亦何足解。





樊遜

對制

問釋道  
兩教

臣聞天道性命聖人所不言蓋以理絕涉求難爲稱  
詣。伯陽道德之論莊周逍遙之旨遺言取意猶有可  
尋。至若玉簡金書神經秘錄三尺九轉之奇絳雪玄  
霜之異淮南成道犬吠雲中子喬得仙劍飛天上皆  
是憑虛之說海東之談求之如係風學之如捕影而  
燕君齊后秦皇漢帝信彼方士冀遇其真徐福去而  
不歸樂大往而無獲猶謂升遐倒影抵掌可期祭鬼



求神。庶或不死。江璧旣返。還入驪山之墓。龍媒已至。終下茂陵之墳。方知劉向之信洪寶。沒有餘責。王充之非黃帝。比爲不相。又末葉已來。大存佛教。寫經西土。畫像南宮。昆池地黑。以爲燒劍之灰。春秋夜明。謂是降神之日。法王自在。變化無窮。置世界于微塵。納須彌于黍米。蓋理本虛無。示諸方便。而妖妄之輩。棄家出家。藥王燔軀。波斯灑血。假未能然。猶當克命。寧有改形易貌。有異生人。恣意放情。還同俗物。龍宮餘論。鹿野前言。此而得容。道風前墜。伏惟陛下。受天明

命屈已濟民。山鬼効靈。海神率職。湘中石鷺。沐時雨而羣飛。臺上銅鳥。愬和風而杓轉。以周都洛邑。治在鎬京。漢宅咸陽。鳧歸豐沛。汾晉之地。王迹維始。眷言巡幸。且勞經畧。猶復降情文苑。斟酌百家。想執玉於瑤池。念求珠于赤水。竊以王母獻環。由感周德。上天錫珮。實報禹功。二班勒史。兩馬製書。未見三世之辭。無聞一乘之旨。帝樂王禮。尚有時而沿革。左道怪民。亦何疑于沙汰。





樊遜

對制

問刑罰  
寬猛

惟王建國刑以助禮。猶寒暑之贊陰陽。山川之通天  
地。爰自末葉。法令稍滋。秦篆無以窮書。楚竹不能盡  
載。有司因此。開以二門。高下在心。寒熱隨意。周官三  
典。棄之若吹毛。漢律九章。違之如覆手。遂使長平獄  
氣。得酒而後消。東海孝婦。因災而方雪。詔書挂壁。有  
善而莫遵。姦吏到門。無求而不可。皆由上失其道。民  
不見德。而議者守迷。不尋其本。鍾繇王朗。追怨張倉。



祖訥梅陶。其尤文帝。便謂化屍起僵。在復肉刑。致治  
興邦。無關周禮。伏惟陛下。昧爽坐朝。留心政術。明罰  
以糾諸侯。申恩以孩百姓。黃旗紫蓋。已絕東南。白馬  
素車。將降軹道。若復峻典深文。臣實未悟。何則。人育  
天地。俱稟陰陽。安則願存。擾則圖死。故王者之治。務  
先禮樂。如有未從。刑書乃用。寬猛兼設。水火俱陳。未  
有專任商韓。而能長久。昔秦歸士會。晉盜來奔。舜舉  
皋陶。不仁自遠。但令釋之。定國迭作。理官龔遂。文翁  
繼爲郡守。科間律令。一此憲章。欣聞汲黯之言。泣斷



長洲而池江漢復恐迎風縱火芝艾共焚按此六軍  
未申九伐夫周發牙璋漢馳竹使義在濟民非開好  
戰至如投鼠忌器之說蓋是常談文德懷遠之言豈  
識權道今三臺令子六郡良家蓄銳須時裹糧待詔  
未若龍駕虎服先收隴右之民電轉雷驚因取荆南  
之地昔秦舉長平金精食昴楚攻鉅鹿枉矢霄流况  
我威靈能無協讚但使彼之百姓一覩六軍似見周  
王若逢司隸然後除其苛令與其約法振旅而還止  
戈爲武標金南海勒石東山紀天地之奇功被風聲



于千載若令馬兒不死于陽尚在便欲案明堂之圖  
草射牛之禮此德論功多慙徃列并中告禪臣用有  
疑

樊遜

對制

問禍福  
報應

臣聞五方易辨、尚待指南、百世可知、猶須吹律、況復  
天道秘遠、神迹難源、不有通靈、孰能盡悟、乘楂至於  
河漢、唯覩牽牛、假寐遊于上玄、止逢翟火、造化之理  
既寂寞而無傳、報應之來固難得而妄說、但秦穆有  
道、勾芒錫祥、虢公涼德、辱收降禍、高明在上、定自有  
知、不可謂神、冥昧難信、若夫仲尼厄于陳蔡、孟軻困  
于齊梁、自是不遇其時、寧關報應之理、子胥無首、馬



遷腐下。受誅取辱。何可尤人。至如協律見親。擢舩得  
幸。從此而言。更不足怪。周王漂杵。致天之罰。自起誅  
除。行已之意。是以七百之祚。仍加姬氏。杜郵之戮。還  
屬武安。昔漢問上計。不過日蝕。晉策秀才。止于寒火。  
前賢徃士。咸用爲難。推古比今。臣見其易。然草萊百  
姓。過荷恩私。三折寒膠。再遊金馬。王言昭責。恩若有  
神。占對失圖。伏深悚懼。

慷慨有氣。煊爛多文。終策罵題。譏世直發。胸懷一  
時奇才也。

刀柔

字子溫，渤海人，綜習經史，尤留心禮儀。性居至干氏族內，外多所詰，悉天保初除國子博士。魏收撰魏史，啓柔同事，柔性專固，自是所聞收常所嫌憚。

五等爵邑承襲議

時議者以爲五等爵邑承襲者，無嫡子立嫡孫，無嫡孫立嫡子弟，無嫡子弟立嫡子孫弟。柔以爲無嫡身立嫡，曾孫不應立嫡子弟。

議曰：柔案禮立適以長，故謂長子爲嫡子。嫡子死，以

嫡子之子爲嫡孫，死則曾玄亦然。然則嫡子之名，本

爲傳重，故喪服曰庶子，不爲長子。三年不繼祖，與福

也。禮記公儀仲子之喪，檀弓曰：何居？我未之前聞。仲



子舍其孫而立其弟何也子服伯子曰仲子亦猶行  
古人之道也昔者文王舍伯邑考而立武王發微子  
舍其孫盾而立弟衍仲子亦猶行古之道也鄭注曰  
仲子爲親者諱耳立子非也文王之立武王權也微  
子嫡子死立其弟衍殷禮也子游問諸孔子孔子曰  
不立孫注曰據周禮然則商以嫡子死立嫡子之母  
弟周以嫡子死立嫡子之子爲嫡孫故春秋公羊之  
義嫡子有孫而死質家親親先立弟文家尊尊先立  
孫喪服云爲父後者出母無服小記云祖父卒而後

爲祖母後者三年爲出母無服者喪者不祭故也爲  
祖母三年者大宗傳重故也今議以嫡子孫死而立  
嫡子母弟嫡子母弟者則爲父後矣嫡子母弟本非  
承嫡以無嫡故得爲父後則嫡孫之弟理亦應得爲  
父後則是父卒然後爲祖後者服斬旣得爲祖服斬  
而不得爲傳重者未之聞也若用商家親親之義本  
不應嫡子死而立嫡子孫若從周家尊尊之文豈宜  
舍其孫而立其弟或文或質愚用惑焉小記復云嫡  
婦不爲舅姑後者則舅姑爲之小功注云謂夫有廢



疾他故若死無子不受重者小功庶婦之服凡父母  
於子舅姑于婦將不傳重于嫡及將所傳重者非嫡  
服之皆如衆子庶婦也言死無子者謂絕世無子非  
謂無嫡子如其有子焉得云無後夫雖廢疾無子婦  
猶以嫡爲名嫡名旣在而欲廢其子者其如禮何禮  
有損益代相沿革必謂宗嫡可得而變者則爲後服  
斬亦宜有因而改

中山王

東魏帝禪位於齊奉爲中山王

答杜弼

弼表上道德經注

李君遊神冥官。獨觀恍惚。玄同造化。宗極羣有。從中  
被外周應。可以裁成自己。物及運行。可以資用隆家。  
寧國義屬斯文。卿才思優洽。業尚通遠。息棲儒門。馳  
聘玄肆。既啓專家之學。且暢釋老之言。戶列門張。途  
通徑達。理事兼申。能用俱表。彼賢所未悟。遺老所未  
聞。旨極精微。言窮深妙。朕有味二經。倦於舊說。歷覽  
新注。所得已多。嘉尚之來。良非一緒。已勅殺青編藏。



之延閣。

王晞

字叔郎北海人六世祖猛晞幼而淹雅有器度  
志邀遊輦洛悅其山水徃天陵山浩然有終焉之

復故人書

西魏將獨孤信入洛署爲開府記室  
稱先被犬傷困篤不起有故人疑其  
所傷非獬書勸

令起晞復書

辱告存念見令起疾循復眷旨似疑吾所傷未必是  
獬吾豈願其必獬但理契無疑耳就足下疑之亦有  
過說足下旣疑其非獬亦可疑其是獬其疑半矣若  
疑其是獬而營護雖獬亦無損疑其非獬而不療儻  
是獬則難救然則過療則致萬全過不療或至死若



王暕無可惜也。則不足取。旣取之。便是可惜。奈何奪其萬全。任其或死。且將軍威德所被。颺飛霧襲。方掩八紘。豈在一介。若必從隗始。先須濟其生靈。足下何不從容爲將軍言也。

朱瑒

王琳故吏梁驃騎府倉曹參軍

致陳尚書僕射徐陵書

陳吳明徹國王琳城陷殺之傳首建康琳故吏

朱瑒致書陳尚書僕射徐陵求琳首

竊以朝市遷貿、傳骨梗之風、歷運推移、表忠貞之跡、故典午將滅、徐廣爲晉家遺老、當塗已謝、馬孚稱魏室忠臣、用能播美於前書、垂名于後世、梁故建寧公琳、洛濱餘胄、沂州舊族、立功代邸、効績中朝、當離亂之辰、總方伯之任、爾乃輕軺殉主、以身許國、寔追蹤於往彥、信踵武於前修、而天厭梁德、上思匡繼、徒蘊



包胥之念。終邁萇弘之青。洎王業光啓。鼎祚有歸。於是遠跡山東。寄命河北。雖經旅臣之歎。猶懷客卿之禮。感茲知己。忘此捐軀。至使身沒九泉。頭行千里。誠復馬革裹屍。遂其生平之志。原野暴骸。會彼人臣之節。然身首異處。有足悲者。封樹靡卜。良可愴焉。瑒早選未席。降薛君之吐握。荷魏公之知遇。是用霑巾雨袂。痛可識之。顏回腸疾。首切猶生之面。伏惟聖恩。博厚明詔。爰發赦王經之哭。許田橫之葬。瑒雖芻賤。竊亦有心。琳經蒞壽陽。頗存遺愛。曾遊江右。非無餘德。

比肩東閣之吏。繼踵西園之賓。願歸彼境。還脩窀穸。  
庶孤墳旣築。或飛啣土之燕。豐碑式樹。時留墮淚之  
人。近故舊王綰等。已有論牒。仰蒙制議。不遂所陳。昔  
廉公告逝。卽淝川而建塋域。孫叔云亡。仍芍陂而植  
楸櫟。由此言之。抑有其例。不使壽春城下。唯傳報葛  
之人。滄洲島上。獨有悲田之客。昧死陳祈。伏待刑憲。  
琳梁室忠臣。在陳亦未可列之羣賊。齊因其託援。  
借榮史策。政可明琳苦心。未足爲琳辱迹。朱場此  
書情激詞楚。豈非琳忠義所感深乎。



昔者周禮樂之興於西伯也

樂之興也西伯也樂之興也西伯也

樂之興也西伯也樂之興也西伯也

樂之興也西伯也樂之興也西伯也

樂之興也西伯也樂之興也西伯也

樂之興也西伯也樂之興也西伯也

樂之興也西伯也樂之興也西伯也

樂之興也西伯也樂之興也西伯也

樂之興也西伯也樂之興也西伯也

祖鴻勳

涿郡人臨淮王或表薦鴻勳有文學敏奉朝請人謂之曰臨淮舉卿竟不相謝恐非其宜

鴻勳曰爲國舉才臨淮之務祖鴻勳何事從而謝之

與陽休之書

鴻勳轉廷尉正後去官歸鄉里與陽休之書

陽生大弟吾比以家貧親老時還故郡在本縣之西界有雕山焉其處閑遠水石清麗高巖四匝良田數頃家先有野舍於斯而遭亂荒廢今復經始卽石成基憑林起棟蘿生映宇泉流繞階月松風草綠庭綺合日華雲實傍沼星羅簷下流烟共霄氣而舒卷園中桃李雜椿栢而蔥蒨時一褰裳涉澗負杖登峯心



悠悠以孤上。身飄飄而將逝。杳然不復自。知在天地  
間矣。若此者久之。乃還所住。孤坐危石。撫琴對水。獨  
詠山阿。舉酒望月。聽風聲以興思。聞唳鶴以動懷。企  
莊生之逍遙。慕尚子之清曠。首戴萌蒲。身衣繼發。出  
藝梁稻。歸奉慈親。緩步當車。無事爲貴。斯已適矣。豈  
必撫塵哉。而吾生旣繫名聲之韁轡。就良工之剗削。  
振佩紫臺之上。鼓袖丹墀之下。采金匱之漏簡。訪玉  
山之遺文。敝精神于丘墳。盡心力於河漢。摘藻期之  
鑒繡。發議必在芬香。茲目美耳。吾無取焉。嘗試論之。

夫崑峰積玉光澤者前毀瑤山叢桂芳茂者先折是以東都有挂冕之臣南國見捐情之士斯豈惡梁錦好疏布哉蓋欲保其七尺終其百年耳今第官位旣達聲華已遠象由齒斃膏用明煎旣覽老氏谷神之談應體留侯止足之逸若能翻然清尚解佩捐簪則吾于茲山莊可辦一得把臂入林挂巾垂枝携酒登巖舒席平山道素志論舊款訪丹法語玄書斯亦樂矣何必富貴乎去矣陽子途乖趣別願尋此旨香若天漢已矣哉書不盡意



樂事如此福力未易及也豈獨智解不到

北齊書序

儒林傳序

班固稱儒家者流。蓋出于司徒之官。助人君順陰陽。行教化者也。聖人所以明天道。正人倫。是以古先哲王。率由斯道。高祖生于邊朔。長于戎馬之間。因魏氏喪亂之餘。屬余朱殘酷之舉。文章咸盪。禮樂同奔。弦歌之音且絕。俎豆之容將盡。及仗義建旗。掃清區縣。以正君臣。以齊上下。至乎一人播越。九鼎潛移。文武神器。顧盼斯在。猶且援立宗支。重安社稷。豈非躅名。



教之地。漸仁義之風。與屬疆塲多虞。戎車歲駕。雖庠序之制。有所未遑。而儒雅之道。遽形心慮。魏天平中。范陽盧景裕。同從兄禮。於本郡起逆。高祖免其罪。置之賓館。以經教授。太原公以下。及景裕卒。又以趙郡李同軌繼之。二賢並大蒙恩遇。待以殊禮。同軌之亡。復徵中山張雕。渤海李鉉。刁柔。中山石曜等。遽爲諸子師友。及天保大寧武平之朝。亦引進名儒。授皇太子諸王經術。然爰自始基。暨於季世。唯濟南之在儲宮。性識聰敏。頗自砥礪。以成其美。自餘多驕恣傲狠。

動違禮度日就月將無聞焉爾鏤冰雕朽迄用無成  
蓋有由也夫帝子王孫稟性淫逸況義方之情不篤  
邪僻之路競開自非得自生知體包上智而內有聲  
色之娛外多大馬之好安能入便篤行出則友賢者  
也徒有師傳之資終無琢磨之實下之從化如風靡  
草是以世胄之門罕聞強學若使貴遊之輩飾以明  
經可謂稽山竹箭加之以括羽俯拾青紫斷可知焉  
而齊氏同存或失其守師保疑丞皆賞勲舊國學博  
士徒有虛名唯國子一學生徒數十人耳欲求官正



國治其可得乎。胄子以通經仕者，唯博陵崔子發、廣平宋遊卿而已。自外莫見其人。幸朝章寬簡，政網疎闊，遊手浮惰，十室而九。故橫經受業之侶，遍于鄉邑，負笈從官之徒，不遠千里。伏膺無怠，善誘不倦。入閭里之內，乞食爲資；憩桑梓之陰，動逾千數。燕趙之俗，此衆尤甚。齊制諸郡並立學，置博士助教，授經學生，俱差逼克員。士流及豪富之家，皆不從調。備員旣非所好，墳籍固不關懷。又多被州都官人驅使，縱有遊惰，亦不檢治。皆由上非所好之所致也。

北齊書序

恩倖傳序

甚哉齊末之嬖倖也。蓋書契以降。未之有焉。心利。錐刀。居台鼎之任。智昏菽麥。當機衡之重。刑殘閭閻。蒼頭盧兒。西域醜胡。龜茲雜伎。封王者接武。開府者比肩。非直獨守弄臣。且復多于朝政。賜予之費。帑藏以虛。杼軸之資。剝掠將盡。縱龜鼎之祚。卜世靈長。屬此淫昏。無不忘之理。齊運短促。固其宜哉。高祖世宗。情存庶政。文武任寄。多貞幹之臣。唯郭秀。小人有累明。



德天保五年之後，雖罔念作狂，所幸之徒，唯左右驅馳，內外褻狎，其朝廷之事，一不與聞。太寧之後，姦佞浸繁，盛業鴻基，以之顛覆，生民厄夫，被髮左衽，非不幸也。今緝諸凶族，爲佞幸傳云：其宦者之徒，尤是亡齊之一物，醜聲穢跡，千端萬緒，其事闕而不書，仍畧存姓名，附之此傳之末。其帝家諸奴及胡人樂工，叨竊貴幸，今亦出焉。

慨然澹思，文有餘情，求之他篇，便或未及。將亦齊之祚短事昧，無所以發其才緒者也。

昭平之罪。則天下自治。大道公行。乳獸含牙。倉鷹垂翅。楚王錢府。不復須封。漢獄冤困。自然蒙理。後服之徒。旣成風而募化。有截之內。皆蹈德而詠仁。號以成康。何難之有。



卷之六

新時烈風而暴發有燄之內皆醞釀而精二氣以烈

天賦三才。而不窮。其性。萬物。安。困。自然。業。堅。外。照。之。

于之。張天可自京大散公。許。拜。相。合。平。食。熟。重。

周書

詔令

奏議

雜著

史論

雲間

顧在觀觀生

陳九疇君錫

許清胤介夫輯評

陳念先念生參訂

勾章陳

裕廣生

陳祐天生

文帝

姓宇文氏諱泰字黑獺代武川人也少有大度不事家人生業輕財好施以交結賢士大夫仕魏爲安定公魏恭帝三年崩孝閔帝受禪追尊爲文王廟曰太祖

下朝士令

魏文帝大統十一年

令曰古之帝王所以外建諸侯內立百官者非欲富貴其身而尊榮之蓋以天下至廣非一人所能獨治



是以博訪名才。助已爲治。若其知賢也。則以禮命之。其人聞命之日。則慘然曰。凡受人之事。任人之勞。何捨已而從人。又自勉曰。天生儁士。所以利時。彼人主者。欲與我爲治。安可苟辭。於是降心而受命。及居官也。則晝不甘食。夜不甘寢。思所以上匡人主。下安百姓。不遑恤其私。而憂其家。故妻子或有饑寒之弊。而不顧也。於是人主賜之以俸祿。尊之以軒冕。而不以爲惠也。賢臣受之。亦不以爲德也。位不虛加。祿不妄賜。爲人君者。誠能以此道受官。爲人臣者。誠能以此

情受位。則天下之大。可不言而治矣。昔堯舜之爲君。稷契之爲臣。用此道也。及後世衰微。此道遂廢。乃以官職爲私恩。爵祿爲榮惠。人君之命官也。親則授之。愛則任之。人臣之受位也。可以尊身而潤屋者。則迂道而求之。損身而利物者。則巧言而辭之。于是至公之道沒。而姦詐之萌生。天下不治。正爲此矣。今聖主中興。思去澆僞。諸在朝之士。當念職事之艱難。負闕之招累。夙夜兢兢。如臨深履薄。才堪者則審已而當之。不堪者則收短而避之。使天官不妄加。王爵不虛



受則淳素之風庶幾可反。

既非江右滯澹不無中州荒儻昭音秀骨何處得

來



閔帝

諱覺字陀羅尼太祖第三子大統大年生魏恭  
帝三年命爲安定公世子十月太祖崩嗣位十  
二月魏封帝爲周公禪位于帝卽天王位寬  
明仁厚有君人之量幼而好學詞彩溫麗

命使省視風俗詔

詔曰上天有命革魏於周致予一人受茲大號予惟  
古先聖罔弗先于省祖風俗以求民瘼王然後克治  
矧予耿耿又當草昧若弗尚于達四聰明四目之訓  
者其有聞知哉有司宜分命方別之使所在巡撫五  
教何者不宜時政有何不便得無脩身潔已才堪佐  
世之人而不爲上所知冤枉受罰幽辱于下之徒而



不爲上所理。孝義貞節。不爲有司所申。鰥寡孤寤。不爲有司所恤。暨黎庶衣食豐約。賦繁役省。災厲所興。水旱之處。並宜具聞。若有年八十已上。所在就加禮餼。

周初誥命。皆彷彿經典。遺模蘇綽之制也。

明帝 諱毓太祖長子永熙三年太祖臨夏州生帝於  
統萬城孝閔踐祚轉岐州諸軍事閔帝廢晉公

護遣使迎于  
岐州卽位

造周曆詔 武城元年四月

詔曰皇王之迹不一。因革之道已殊。莫不播八政以  
成物。兆三元而爲紀。是以容成創定于軒轅。羲和欽  
若於唐世。鴻範九疇。大弘五法。易曰。澤中有火革。君  
子以治曆明時。故曆之爲義大矣。但忽微成象。象極  
則差。分積命時。時積斯舛。開闢至于獲麟。二百七十  
六萬歲。晷度推移。餘分盈縮。南正無聞。疇人靡記。暑



往寒來理乖攸序敬授民時何其積謬昔漢世巴郡  
洛下閎善治曆云後八百歲當有聖人定之自火行  
至今木德應其運矣朕何讓焉可命有司傍稽六曆  
仰觀七曜博推古今造我周曆量定以聞

自任雖侈猶恐非是

武帝

諱邕字彌羅突太祖第四子也大統九年生于同州幼而孝敬聰敏有器質武城二年四月世

宗崩遺

詔傳位

省約詔

保定二年冬十月

詔曰樹之元首。君臨海內。本乎宣明教化。亭毒黔黎。豈唯尊貴其身。侈富其位。是以唐堯疎葛之衣。麤糲之食。尚臨汾陽而永歎。登姑射而興想。况無聖人之德。而嗜欲過之。何以克厭衆心。處于尊位。朕甚惡焉。今巨寇未平。軍戎費廣。百姓空虛。與誰爲足。凡是供朕衣服飲食四時所須。爰及宮內調度。朕今手自減



削縱不得頓行古人之道。豈曰全無庶幾。凡爾百司。  
安得不思省約。勗朕不逮者哉。

甲子乙卯停樂詔

天和元年二月

詔曰。道德交喪。禮義嗣興。哀。四。始。于。一。言。美。三。于。于。  
爲敬。是以在上不驕。處滿不溢。富貴所以長守。邦國  
於焉乂安。故能承天靜地。和民敬鬼。明並日月。道錯  
四時。朕雖庸昧。有志前古。甲子乙卯。禮云不樂。甚弘  
表。昆吾之念。杜簣有揚。鱣之文。自世道喪亂。禮儀紊  
毀。此典茫然。已墜于地。昔周王受命。請聞顓頊。廟有  
戒盈之器。室爲復禮之銘。矧伊末學。而能忘此。宜依



是日省事停樂庶知爲君之難爲臣不易貽之後昆  
殷鑒斯在

武帝

正調外無徵發詔

建德元年三月

詔曰。民亦勞止。則星動於天。作事不時。則石言于國。故知爲政欲靜。靜在寧民。爲治欲安。安在息役。頃興造無度。徵發不已。加以頻歲師旅。農畝廢業。去秋災蝗。年穀不登。民有散亡。家空杼軸。朕每旦恭已。夕惕兢懷。自今正調以外。無妄徵發。庶時殷俗阜。稱朕意焉。

宇文賀六並自夷狄瓜分魏國。然齊氏子孫歷世



不文周之先後英華不替以此相方齊之尤劣爲  
可見也

武帝

立通道觀詔

建德三年六月

詔曰。至道弘深。混成無際。體包空有。理極幽玄。但岐路既分。派源逾遠。淳離朴散。形氣斯乖。遂使三聖八儒。朱紫交競。九流七畧。異說相騰。道隱小成。其來舊矣。不有會歸。爭驅靡息。今可立通道觀。聖哲微言。究賢典訓。金科玉篆。秘蹟玄文。所以濟養黎元。扶成教義者。金宜弘闡。一以貫之。俾夫翫培塿者。識嵩岱之崇嶺。守磧礫者。悟渤澥之泓澄。不亦可乎。





宣帝

諱贊宗乾佑高祖長子建德元年立爲皇太子  
宣政元年六月高祖崩卽位帝之在東宮高祖  
慮其不堪承嗣遇之甚嚴每有過輒加捶撻嗣  
位之初曾無戚容閱視宮人逼爲淫亂公卿已  
下皆受誅戮人不自安重足累息以逮於終

災異累見詔

大象元年十二月

詔曰。穹昊在上。聰明自下。吉凶由人。妖不自作。朕以  
寡德。君臨區寓。大道未行。小信非福。始於秋季。及此  
玄冬。幽顯殷勤。屢貽深戒。至有金入南斗。木犯軒轅。  
災惑干房。又與土合。流星照夜。東南而下。然則南斗  
主於爵祿。軒轅爲於後宮。房曰明堂。布政所也。火土



則憂孽之兆。流星乃兵凶之驗。豈其官人失序。女謁  
尚行。政事乖方。憂患將至。何其昭著。若斯之甚。上瞻  
俯察。朕實懼焉。將避正寢。齋居克念。惡衣減膳。去飾  
撤懸。披不諱之誠。開直言之路。欲使刑不濫及。賞弗  
踰等。選舉以才。宮闈脩德。宜宣諸內外。庶盡弼諧。允  
叶民心。用銷天譴。

周武身居尊位。奉則齊民。功德在人。曾不及世。不  
有天元。來應若斯。促也。

靜帝

諱衍宣帝長子建德二年六月生大象元年二月宣帝傳位大定元年遜位于隋

復姓詔

建德二年十二月

詔曰詩稱不如同姓傳曰異姓爲後蓋明辨親疎皎然不雜太祖受命龍德猶潛錄表革代之文星垂除舊之象三分天下志扶魏室多所改作異允上玄文武群官賜姓者衆本殊國邑實垂胙土不歆非類異骨肉而共烝嘗不愛其親在行路而叙昭穆且神徵革姓本爲曆數有歸天命在人推讓終而弗獲故君臨區寓累世於茲不可仍遵謙挹之旨久行權宜之



制諸改姓者。悉宜復舊。

鼎祚將移。暇此禮政。益已有主之者矣。

蘇綽

字令綽武功人博覽群書從兄讓為汾州薦綽太祖召為行臺郎太祖問天地造化之始歷代興亡之迹綽應對如流至夜太祖臥而聽之乃起整衣危坐不覺膝之前席郎拜太行左丞參典機密寵遇日隆

治心

時太祖方欲革易時政弘強國富民之道故綽得盡其智能贊成其事為六條詔書奏施行之

凡今之方伯守令皆受命天朝出臨下國論其尊貴並古之諸侯也是以前世帝王每稱共治天下者唯良宰守耳明知百僚卿尹雖各有所司然其治民之本莫若宰守之最重也凡治民之體先當治心心者



一身之主。百行之本。心不清淨。則思慮妄生。思慮妄生。則見理不明。見理不明。則是非謬亂。則是非謬亂。則一身不能自治。安能治民也。是以治民之要在清心而已。夫所謂清心者。非不貪貨財之謂也。乃欲使心氣清和。志意端靜。心和志靜。則邪僻之慮無因而作。邪僻不作。則凡所思念無不皆得至公之理。率至公之理以臨其民。則彼下民孰不從化。是以稱治民之本。先在治心。其次又在治身。凡人君之身者。乃百姓之表。一國之的也。表不正。不可求直影。的不明。不可

責射中、今君身不能自治、而望治百姓、是猶曲表而求直影也。君行不能自修、而欲百姓修、行者、是猶無的而責射中也。故爲人君者、必心如清水、行如白玉、躬行仁義、躬行孝悌、躬行忠信、躬行禮讓、躬行廉平、躬行儉約、然後繼之以無倦、加之以明察、行此八者、以訓其民、是以其人畏而愛之、則而象之、不待家教日見、而自興行矣。

江都以後濂洛以前未見此等議論也



眼。行。劍。鋒。然。新。繼。之。以。無。窮。此。之。以。即。容。行。其。不。信。  
眼。行。二。美。眼。行。幸。神。眼。行。忠。計。眼。行。意。當。理。行。氣。平。  
怕。而。責。操。中。也。效。爲。人。吾。昔。必。心。收。散。水。行。收。自。在。  
來。直。還。也。吾。行。不。始。自。新。而。殆。百。技。也。行。清。身。事。無。  
責。操。中。今。吾。良。不。謂。自。然。而。望。欲。百。技。是。誰。曲。處。而。

敦教化

天地之性。唯人爲貴。明其有中和之心。仁恕之行。異於木石。不同禽獸。故貴之耳。然性無常守。隨化而遷。化於敦朴者。則質直。化於澆僞者。則浮薄。浮薄者。則衰弊之風。質直者。則淳和之俗。衰弊則禍亂交興。淳和則天下自治。治亂興亡。無不皆由所化也。然世道彫喪。已數百年。大亂滋甚。且二十歲。民不見德。唯兵革是聞。上無教化。唯刑罰是用。而中興始爾。大難未



平。加之以師旅。因之以饑饉。凡百草創。率多權宜。致使禮讓列興。風俗未改。比年稍登稔。徭賦差輕。衣食不切。則教化可修矣。凡諸牧守令長。宜洗心革意。上承朝旨。下宣教化矣。夫化者。貴能扇之以淳風。浸之以太和。被之以道德。示之以朴素。使百姓壘疊中遷於善。邪僞之心。嗜慾之性。潛以消化。而不知其所以然。此之謂化也。然後教之以孝悌。使民慈愛。教之以仁順。使民和睦。教之以禮義。使民敬讓。則不<sub>清</sub>其親和睦。則無怨於人。敬讓則不<sub>清</sub>於物。三者既備。

則王道成矣。此之謂教也。先王之所以移風易俗。還淳反素。垂拱而治天下。以至太平者。莫不由此。此之謂要道也。

教化之理。盡神致微。王道所難。將無高論。



卷之五 盡 懷 姪 王 叔 祖 與 弟 伯 倫

附錄

戰氣素在。此而欲天。可以至太平者。莫不由此也。

假王蒙歟矣此之謂然也夫王之預以逐風是命

盡地利


人生天地之間、以衣食爲命、食不足則飢、衣不足則寒、飢寒切體、而欲使民興行禮讓者、此猶逆坂走丸、勢不可得也、是以古之聖王、知其若此、故先足其衣食、然後教化隨之、夫衣食所以足者、在於地利、盡地利所以盡者、由於勸課有方、主此教者、在乎牧守令長而已、民者、冥也、智不自周、必待勸教、然後盡其力、諸州郡縣、每至歲首、必戒勅部民、無問少長、但能操



持農器者皆令就田墾發以時勿失其所及布種既訖嘉苗須理麥秋在野蠶停於室若此之時皆宜少長悉力男女併功若援溺救火寇盜之將至然後可使農夫不廢其業蠶婦得就其功若有遊手怠惰早歸晚出好逸惡勞不勤事業者則正表牒名郡縣守令隨事加罰罪一勸百此則明宰之教也夫百畝之田必春耕之夏種之秋收之然後冬食之此三時者農之要也若失其一時則穀不可得而食故先王之戒曰一夫不耕天下必有受其飢者一婦不織天下

必有受其寒者。若此三者，不務省事而令民廢農者，是則絕民之命，驅以就死。然單劣之戶及無牛之家，勸令有無相通，使得兼濟。三農之隙及陰雨之暇，又當教民種桑植果，藝其菜蔬，脩其園圃，畜育雞豚，以備生生之資，以供養老之具。夫爲政不欲過碎，碎則民煩。勸課亦不容太簡，簡則民怠。善爲政者，必消息時宜而適煩簡之中。故詩曰：不剛不柔，布政優優。百祿是求。如不能爾，則必陷于刑辟矣。





蘇綽

擢賢良

天生蒸民。不能自治。故必立君以治之。人君不能獨治。故必置臣以佐之。上至帝王。下及郡國。置臣得賢則治。失賢則亂。此乃自然之理。百王不能易也。今刺史守令。悉有僚吏。皆佐治之人也。刺史府官。則命於天朝。其州吏以下。並牧守自益。自昔以來。州郡大吏。但取門資。多不擇賢良。末曹小吏。唯試刀筆。茲不問志行。夫門資者。乃先世之爵祿。無妨子孫之愚瞽。刀



筆者。乃身外之末材。不廢性行之澆僞。若門資之中而得賢良。是則策騏驎而取千里也。若門資之中而得愚瞽。是則土牛木馬。形似而用非。不可以涉道也。若刀筆之中而得志行。是則金櫛玉質。內外俱美。實爲人寶也。若刀筆之中而得澆僞。是則飾畫朽木。悅目一時。不可以充棖椽之用也。今之選舉者。當不限資蔭。唯在得人。苟得其人。自可起厮養而爲卿相。伊尹傳說是也。而況州郡之職乎。苟非其人。則丹朱商均。雖帝王之胤。不能守百里之封。而況于公卿之貴。

乎由此而言觀人之道可見矣。所求材藝者爲其  
可以治民。若有材藝而以正直爲本者必以其材而  
爲治也。若有材藝而以姦僞爲本者將由其官而爲  
亂也。何治之可得乎。是故將求材藝必先擇志行。其  
志行善者則舉之。其志行不善者則去之。而今擇人  
者多云邦國無賢莫知所舉。此乃未之思也。非適理  
之論。所以然者。古人有言。明主聿興不降佐于昊天。  
大人基命不擢才于后土。常引一世之人治一世之  
務。故殷周不待契稷之臣。魏晉無假蕭曹之佐。仲尼



曰十室之邑必有忠信如丘者焉豈有萬家之都而云無士但求之不勤擇之不審或用之不得其所任之不盡其材故云無耳古人云千人之秀曰英萬人之英曰雋今之智效一官行聞一邦者豈非近英雋之士也但能勤而審察去虛取實各得州郡之最而用之則民無多少皆足治矣孰云無賢夫良玉未剖與瓦石相類名驥未馳與駑馬相類以其剖而瑩之馳而試之玉石駑驥然後始分彼賢士之未用也混於凡品竟何以異要任之以事業責之以成務方與

彼庸流較然不同。昔呂望之屠釣，百里奚之飯牛甯生之扣角，管夷吾之三敗，當此之時，悠悠之徒，豈謂其賢。及升王朝，登霸國，積數十年，功成事立，始識其奇士也。於是後世稱之，不容於口。彼瓌偉之材，不世之傑，尚不能以未遇之時，自異於凡品。況降此者哉。若必待太公而後用，是千載無太公，必待夷吾而後任，是百世無夷吾。所以然者，士必從微而至著，功必積小以至大，豈有未任而已成，不用而先達也。若識此理，則賢可求，士可擇，得賢而任之，得士而使之，則



天下之治何向而不可成也。然善官人者必先省其官。官省則善人易充。善人易充則事無不理。官煩則必襍不善之人。襍不善之人則政必有得失。故語曰：官省則事省，事省則民清。官煩則事煩，事煩則民濁。清濁之由在於官之煩省。案今吏員其數不少。昔民殷事廣，尚能克濟。况今戶口減耗，依員而置，猶以爲少。如聞在下州郡尚有兼假，擾亂細民，甚爲無理。諸如此輩，悉宜罷黜，無得習常。非直州郡之官宜須善人，爰至黨族閭里正長之職皆當審擇，各得一鄉之

選以相監統。夫正長者。治民之基。基不傾者。上必安。  
凡求賢之路。自非一途。然所以得之審者。必由任而  
試之。考而察之。起于居家。至于鄉黨。訪其所以。觀其  
所由。則人道明矣。賢與不肖別矣。率此以求。則庶無  
愆悔矣。



志難矣

洵由限人發則矣。賀與不肖限矣。率此以來。固無端  
情之。而察之。缺于。吾家。至于。無黨。其。以。其  
且。求。賀之。相。自。非。一。參。然。洵。以。其。之。容。者。必。出。其。而  
發。以。其。其。夫。五。升。者。必。另。之。基。基。不。則。者。士。必。表

不緯

卹獄訟

人受陰陽之氣以生。有情有性。性則爲善。情則爲惡。善惡旣分。而賞罰隨焉。賞罰得中。則惡止而善勸。賞罰不中。則民無所措手足。民無所措手足。則怨叛之心生。是以先王重之。特加戒慎。夫戒慎者。欲使治獄之官。精心悉意。推究事源。先之以五聽。參之以證驗。妙覩情狀。窮鑒隱伏。使姦無所容。罪人必得。然後隨事加刑。輕重皆當。赦過矜愚。得情勿喜。又能消息情



理斟酌禮律無不曲盡人心遠明大敎使獲罪者如歸此則善之上也。然宰守非一不可人人皆有通識推理求情時或難盡唯當率至公之心去阿枉之志務求曲直念盡平當聽察之理必窮所見然後拷訊以法不苛不暴有疑則從輕未審不妄罰隨事斷理獄無停滯此亦其次。若乃不仁恕而肆其殘暴同民木石專任捶楚巧詐者雖事彰而獲免詞弱者乃無罪而被罰有如此者斯則下矣。非其治所寄今之宰守當勤於中科而慕其上善如在下條則刑所不赦。

又當深思遠大。念存德教。先王之制曰。與殺無辜。寧  
赦有罪。與其害善。寧其利淫。明必不得中。寧濫捨有  
罪。不謬害善人也。今之從政者。則不然。深文巧劾。寧  
致善人於法。不免有罪於刑。所以然者。皆非好殺人  
也。但云爲吏寧酷。可免後患。此則情存自便。不念至  
公奉法。如此皆姦人也。夫人者。天地之貴物。一死不  
可復生。然楚毒之下。以痛自誣。不被申理。遂陷刑戮。  
者將恐徃徃而有。是以自古以來。設五聽三宥之法。  
著明慎庶獄之典。此皆愛民甚也。凡伐木殺草。田獵



不順上違時令而虧帝道。况刑罰不中濫害善人。寧  
不傷天心。犯和氣也。天心傷和氣損。而欲陰陽調適  
四時順序。萬物阜安。蒼生悅樂者。不可得也。故語曰  
一夫吁嗟王道爲之傾覆。正謂此也。凡百宰守。可無  
慎乎。若有深姦巨猾。傷化敗俗。悖亂人倫。不忠不孝。  
故爲背道者。殺一礪百。以清王化。重刑可也。識此二  
途。則刑政盡矣。

蘇綽

均賦役

聖人之大寶曰位。何以守位曰仁。何以聚人曰財。明  
先王必以財聚人。以仁守位。國而無財。位不可守。是  
故五三以來。皆有征稅之法。雖輕重不同。而濟用一  
也。今逆寇未平。軍用資廣。雖未遑減省。以卹民虞。然  
令平均。使下無匱。夫平均者。不捨豪強而徵貧弱。不  
縱姦巧而困愚拙。此之謂均也。故聖人曰。蓋均無貧。  
然財貨之生。其功不易。織紉紡績。起于有漸。非旬日



之間所可造次。必須勸課。使預管理。絹鄉先事織紉。麻土早脩紡績。先時而備。至時而輸。故王賦獲供。下民無困。如其不預勸戒。臨時迫切。復恐稽緩。以爲已過。捶扑交至。取辦目前。富商大賈。緣茲射利。有者從之。貴買。無者舉之。與息。輸稅之民。于是弊矣。租稅之時。雖有大式。至于斟酌貧富。差次先後。皆事起于正長。而繫之于守令。若斟酌得所。則政和而民悅。若於理無方。則吏姦而民怨。又差發徭役。多不存意。致令貧弱者。或重徭而遠戍。富强者。或輕使而近防。守令

用懷如此不存卹民之心皆王政之罪人也。

蘇綽之才可方王猛黑獺之遇不下苻堅卒成周  
業者此一人也綽文明辨平直乃令當典策類倣  
大誥爲之其亦矯枉之過與



大詰爲之其亦辭珎之嚴與

次先後皆事起于正

業皆此一入也縣文開辨平直已令當典策隱然

蘊幹士本何式王益黑辭之嚴不不將望卒如周

以對映邇不齊恤另之心皆王如之罪人出

虞信

字子山南陽人父肩吾為梁太子中庶子信為

才文並綺豔世號為徐庾焉梁元帝時

侯陵來聘于我遂留不遣孝

哀江南賦序

信雖位望通顯常有關鄉之思乃作哀江南賦以致其意云

粵以戊辰之年建亥之月大盜移國金陵瓦解余乃

竄身荒谷公私塗炭華陽奔命有去無歸中興盜消

窮于甲戌三日次于都亭三年囚于別館天道周星

物極不反傳燹之但悲身世無所求生袁安之每念

王室自然流涕昔桓君山之志事杜元頴之生平竝



有著書。咸能自序。潘岳之文彩。始述家風。陸機之詞賦。多陳世德。信年始二毛。卽逢喪亂。貌是流離。至于暮齒。燕謫遠別。悲不自勝。楚老相逢。泣將何及。畏南山之雨。忽踐秦庭。讓東海之濱。遂食周粟。下亭漂泊。臯橋羈旅。楚歌非取樂之方。魯酒無忘憂之用。追惟此賦。聊以記言。不無危苦之辭。唯以悲哀爲主。日暮途遠。人間何世。將軍一去。大樹飄零。壯士不還。寒風蕭瑟。荆壁睨柱。受連城而見欺。載書橫階。捧珠盤而不定。鍾儀君子。入就南冠之囚。季孫行人。留守西河。

信。中包胥之頓地。碎之以首。蔡威公之淚盡。加之  
以血。釣臺移柳。非玉關之可望。華亭唳鶴。豈河橋之  
可聞。孫策以天下爲三分。衆裁一旅。項羽用江東之  
子弟。人唯八千。遂乃分裂山河。宰割天下。豈有百萬  
義師。一朝卷甲。芟夷斬伐。如草木焉。江淮無涯岸之  
阻。亭壁無藩籬之固。頭會箕歛者。合從締交。鉏耰棘  
矜者。固利乘便。將非江表王氣。應終三百年乎。是知  
并吞六合。不免軼道之災。混一車書。無救平陽之禍。  
嗚呼。山岳崩頽。旣履危亡之運。春秋迭代。必有去故



之悲。天意人事。可以悽愴。傷心者矣。況復舟楫路窮。  
星漢非乘槎可上。風颺道阻。逢萊無可到之期。窮者  
欲達其言。勞者須歌其事。陸士衡聞而撫掌。是所甘  
心。張平子見而陋之。固其宜矣。

庾文本自哀豔危苦之言。尤爲易工。此序畧見其  
端。賦尤佳。絕有韻之詞。此集不入。未及載也。

周書論

武帝紀論

史臣曰、自東西否隔、二國爭彊、戎馬生郊、干戈日用、  
兵連禍結、力敵勢均、疆場之事、一彼一此、高祖續業、  
未親萬機、慮遠謀深、以蒙養正、及英威電發、朝政惟  
新、內難既除、外畧方始、乃苦心焦思、克已勵精、勞役  
爲士卒之先、居處同匹夫之儉、脩富民之政、務彊兵  
之術、乘譬人之有鑒、順大道而推亡、五年之間、大勲  
斯集、攄祖宗之宿憤、拯東夏之阡危、盛矣哉、其有成



功者也。若使翌日之瘳無爽經營之志獲申黷武窮  
兵雖見譏于良史雄圖遠畧足方駕于前王者歟。

文閔明武宣諸子傳論

史臣曰。昔賢之議者。咸云以周建五等。歷代八百。秦立郡縣。二世而亡。雖得失之迹可尋。是非之理互起。而因循莫變。復古未聞。良由著論者溺於貴達。司契者難於易業。詳求適變之道。未求於至當也。嘗試論之。夫皇王迭興。爲國之道匪一。賢聖間出。立德之指殊塗。斯豈故爲相反哉。亦云治而已矣。何則。五等之制。行于商周之前。郡縣之設。始于秦漢之後。論時則



澆淳理隔。易地則用。捨或殊譬。猶干戈日用。難以成  
垓下之業。稷嗣所述。不可施成周之朝。是知因時制  
宜者。爲政之上務也。觀民立教者。經國之長策也。且  
夫列封疆。建侯伯。擇賢能。置牧守。循名雖曰異軌。責  
實抑亦同歸。盛則與之共安。衰則與之共患。共安繫  
乎善惡。非禮義無以敦風。共患寄以存亡。非甲兵不  
能靖亂。是以齊晉帥禮。鼎業傾而復振。溫陶釋位。王  
綱弛而更張。然則周之列國。非一姓也。晉之羣臣。非  
一族也。豈齊晉強於列國。溫陶賢於羣臣者哉。蓋勢

重者易以立功。權輕者難以盡節。故也。由此言之。建  
侯置守。乃古今之異術。兵權勢位。蓋安危之所階乎。  
太祖之定關右。日不暇給。旣以人臣禮終。未遑藩屏  
之事。晉蕩輔政。爰樹其黨。宗室長幼。竝據勢位。握兵  
權。雖海內謝隆平之風。而國家有盤石之固矣。高祖  
克剪芒刺。思弘政術。徵專朝之爲患。忘維城之遠圖。  
外崇寵位。內結猜阻。自是配天之基。潛有朽壤之墟。  
矣。宣皇嗣位。凶暴是聞。芟刈先其本枝。黜陟遍于公  
族。雖復地惟叔父。親則同生。文能附衆。武能威敵。莫



不謝卿士於當年。從侯服于下國。號爲千乘。勢侔匹夫。是以權臣乘其機謀。士因其隙。遷龜鼎速于俯拾。殲王侯烈于燎原。悠悠遼古。未聞斯酷。豈非摧枯振朽。易爲力乎。向使宣皇采姬劉之制。覽聖哲之術。分命賢戚。布于內外。料其輕重。間以親疎。首尾相持。遠近爲用。使其勢位也。足以扶危。其權力也。不能爲亂。事業既定。僥倖自息。雖使臥赤子。朝委裘。社稷固以久安。億兆可以無患矣。何后族之地。而勢能窺其神。器哉。

異域傳序

異域傳序

蓋天地之所覆載至大矣。日月之所臨照至廣矣。然則萬物之內。民人寡而禽獸多。兩儀之間。中土局而庶俗曠。求之鄒說詭怪之迹。實繁。考之山經奇譎之詞。匪一。周孔存而不論。是非紛而不辯。秦皇觀天。下。黷武于遐方。漢武士馬疆盛。肆志于遠畧。匈奴既却。其國已虛。犬馬既來。其民亦困。是知鴈海龍堆。天所以絕夷夏也。炎方朔漠。地所以限內外也。況乎時



非秦漢志甚羸劉。違天道以求其功。殫民力而從所欲。顛墜之釁。固不旋踵。是以先王設教。內諸夏而外夷狄。徃哲垂範。美樹德而鄙廣地。雖禹迹之東漸。西被。不過海及流沙。王制之自北徂南。裁稱穴居交趾。豈非道貫三古。義高百代者乎。有周承喪亂之後。屬戰爭之日。定四表以武功。安三邊以權道。趙魏尚梗。則結姻于北狄。廐庫未實。則通好于西戎。由是德刑具舉。聲名遐洎。卉服羶裘。輻輳於屬國。商胡販客。填委于旗亭。雖東畧瀟三吳之地。南巡阻百越之境。而

國成之所肅服、風化之所覃被、亦足爲弘矣。其四夷  
來朝聘者、今並紀之于後。至于道路遠近、物產風俗、  
詳諸前史。或有不同、斯皆錄其當時所記、以備遺闕。  
云爾。





周書論

齊煬王論

煬王名憲太祖第五子性通敏有度量高祖深忌憚焉宣帝繼之

史臣曰自兩漢逮乎魏晉其帝弟帝子衆矣唯楚元河間東平陳思之徒以文儒播美任城琅琊以武功馳譽何則體自尊極長於宮闕佚樂侈其心驕貴蕩其志故使奇才高行終鮮于天下之士焉齊王竒姿傑出獨牢籠于前載以介弟之地居上將之重智勇冠世攻戰如神敵國繫以存亡鼎命由其輕重比之異姓則方召韓白何以加茲挾震主之威屬道消之



日斯人而嬰斯戮君子是以知周祚之不永也昔張  
耳陳餘賓客廝役所居皆取卿相而齊之文武僚吏  
其後亦多至台牧異世同符可謂賢矣

此論直是不愧太史公齊魏陳隋諸史多剪裁成  
就于唐人之手未有如德棻此書之明秀者也

周書

論

李賢傳論

賢字賢和賢弟遠遠子植植在太祖時已掌朝政及晉公護執權恐不被任乃密欲誅護謀泄護乃廢帝害植逼遠自殺

史臣曰李賢和兄弟屬亂離之際居戎馬之間志略縱橫忠勇奮發亟摧勅敵屢涉艱危而功未書於王府仕不過於州郡及逢時值主策名委質或使類莫府或契闊戎行荷生成之恩蒙國士之遇俱縻好爵各著勲庸遂得任兼文武聲彰內外位高望重光國榮家跼萼連暉椒聊繁衍冠冕之盛當時莫比焉自

周書

論

一



周迄隋鬱爲西京盛族。雖金張在漢不之尚也。然而太祖初崩。嗣君冲幼。內則功臣放命。外則強寇臨邊。晉公以猶子之親。膺負圖之托。遂能撫寧家國。開創異端。革魏興周。遠安邇悅。功勤已著。過惡未彰。李植受遇先朝。宿參機務。恐威權之已去。懼將來之不容。生此厲階。成茲貝錦。乃以小謀大。由疎間親。主無昭帝之明。臣有上官之訴。嫌隙旣兆。釁故因之。啓冢宰無君之心。成閔皇廢弑之禍。植之由也。李遠旣闕義方之訓。又無先見之明。以是誅夷。非爲不幸。

班范之後別開門戶歐陽之前蚤露風裁如此史  
筆方可不愧作者衆書紛紜亦何以然



筆式可不對卦香衆膏餘沐亦所以然  
漢書之於孫開門只為題志前登霜風焚噴北堂

周書論

竇熾竇毅于翼李穆傳論

史臣曰竇熾儀表魁梧器識雄特參朝政則嘉謨以陳出總蕃條則惠政斯洽竇毅忠肅奉上溫恭接下茂實彰于本朝義聲揚于殊俗並以國華民望論道當官榮映一時慶流來葉及熾遲疑勸進有送故之心雖王公恨恨何以加此語曰君使臣以禮臣事君以忠然則効忠之迹或殊處臣之理斯一權言指要其維致命乎是以典午擅朝葛公休爲之投袂新



都篡盜翟仲文所以稱兵及東郡誅夷竟速漢朝之禍淮南覆敗無救魏室之亡而列士貞臣赴蹈不已豈忠義所感視死如歸者歟于李之送往事居有曲於此翼旣功臣之子地卽姻親穆乃早著勲庸深寄肺腑並兼文武之任荷累世之恩理宜與存與亡同休同戚加以受扞城之托總戎馬之權勢力足以動王智能足以衛難乃宴安寵祿曾無釋位之心報使獻誠但務隨時之義弘名節以高貴豈所望於二公若捨彼天時徵諸人事顯慶起晉陽之甲文若發幽

助之兵叶契岷峨約從漳滏北控沙漠西指嶠函則  
成敗之數未可量也

戎狄亂華奸雄窺鼎篡竊相尋曾無紀世當時人  
臣視亡國易主有如置碁亦既生無愧怍矣迨乎  
身往代移叛君之罪既無討於故國佐命之烈亦  
有取于新朝後之史官遂深評以知機盛稱爲識  
命旣國體宜然而作史之身未或便非往者之輩  
所以褒揚虛謬顯背於聖教也李穆早背周恩翰  
情國寇在于隋史務極稱崇徒取在彼應我之和



忽忘在我詈人之義令狐魏鄭同爲唐臣乖去如  
此邪正之別何等級之可量哉

周書論

王羆王思政傳論

史臣曰。王羆剛峭有餘。弘雅未足。情安儉率。志在公平。旣而奮節危城。抗辭勅敵。梁人爲之退舍。高氏不敢加兵。以此見稱。信非虛述。不隕門風。亦是稱也。王思政驅馳有事之秋。慷慨功名之際。及乎策名霸府。作鎮潁川。設縈帶之險。脩守禦之術。以一城之衆。抗傾國之師。率疲乏之兵。當勁勇之卒。猶能亟摧大敵。屢建奇功。忠節冠於本朝。義聲動於隣聽。雖運窮事



感城陷身囚壯志高風亦足奮於百世矣

周書論

趙善元定楊惲裴寬敷傳論

史臣曰。自三方鼎峙。羣雄競逐。駿能馳騖。各吠非主。爭奮厲其智勇。思赴蹈于仁義。臨危不顧。前哲所難。趙善等。或行彰于孝友。或誠顯于忠槩。咸躬志力。俱徇功名。兵凶戰危。城狐援絕。楊敷。趙善。類龐德之勢。窮元。定裴寬。同黃權之無路。王旅不振。非其罪也。敷少而慷慨。終能立節。仁而有勇。其最優乎。楊惲。屢有奇功。狃于數勝。輕敵無備。兵破身囚。未能遠謀。良可



嗟矣。易曰。師出以律。否臧凶。傳曰。不備不虞。不可以  
師。其揚柵之謂也。

其言甚通。其神則遠。

周書論

鄭偉楊纂路永王士良崔彥穆令狐整司馬裔  
裴果傳論

史臣曰。昔陽貨外叛。庶其竊邑。而春秋譏之。韓信背  
項。陳平歸漢。而史遷美之。蓋以運屬旣安。君道以著。  
則徇利忘德者。罪也。時逢擾攘。臣禮未備。則轉禍爲  
福者。可也。鄭偉崔彥穆等之在山東。竝以不羈之才。  
適回于鷺雀。終能翻然豹變。自致龜組。其知機之士。  
歟。王士良之仕于齊。班職上卿。出爲牧伯。而臨危苟



免失忠與義其背叛之徒歟。令狐整器幹確然。雅望  
重于河右。處州里則勲著方隅。升朝廷則績宣中外。  
而畏避權寵。克保終吉。不如是亦何以立。建名取高  
位乎。

纔有權衡。方見尺寸。不如是何以居。是非知罪之  
任乎。

周書論

藝術傳論

史臣曰仁義之於教大矣。術藝之于用博矣。徇于是者不能無非。厚于利者必有其害。詩書禮樂所失也。淺故先王重其德。方術技巧所失也。深故徃哲輕其藝。夫能通方術而不詭于俗。習技巧而必蹈于禮者。豈非大雅君子乎。姚僧垣詵候精審。名冠于一代。其所全濟。固亦多焉。而弘茲義方。皆爲令器。故能享眉壽。縻好爵。老聃云。天道無親。常與善人。於是信矣。



三

異域傳論

史臣曰、四夷之爲中國患也久矣、而北狄尤甚焉。昔嚴尤、班固咸以周及秦漢未有得其上策、雖通賢之宏議、而史臣嘗以爲疑。夫步驟之來、綿自今古、澆淳之變、無隔華戎。是以反道德、棄仁義、凌替之風、歲廣至涇陽、入北地、充斥之釁、日深。爰自金行、逮乎水運、戎夏離錯、風俗混并、夷裔之情、僞中國、畢類之矣。中國之得失、夷裔備聞之矣。若乃不與約誓、不就攻伐、



來而禦之。去而守之。夫然。則敵有餘力。我無寧歲。將士疲于奔命。疆場苦其交侵。欲使偃伯靈臺。歐世仁壽。其可得乎。是知秩宗之雅旨。護軍之誠說。寔有會於當時。而未允于後代也。然則易稱見幾而作。傳云相時而動。夫時者得失之所繫。幾者吉凶之所由。況乎諸夏之朝。治亂之運。代有戎狄之地。強弱之勢。無恒。若使臣畜之與羈縻。和親之與征伐。因其時而制。變觀其幾而立權。則舉無遺策。謀多上筭。獸心之虜。革面匪難。沙幕之北。雲撤何遠。安有周秦漢魏優劣。

在其間哉。

定有奇識足出古前



虫育音精从出古簡

式其間結

隋書

詔令

奏議

雜著

史論

雲間

顧在觀觀生

顧之萃宗之

許清胤介夫輯評

陳王前于王叅訂

句章陳

裕廣生

陳祐天生

高祖

姓楊氏諱堅弘農人皇考從高祖起義關西位至大司空隋國公高祖襲爵周靜帝下詔禪位

報李穆詔

開皇

年

穆上表乞骸骨

詔曰朕初臨寓內方藉嘉猷養老乞言實懷虛想七十致仕本爲常人至若呂尚以期頤佐周張蒼以華皓相漢高才命世不拘恒禮遲得此心留情規訓公



年既耆舊、筋力難煩、今勅所司、敬蠲朝集、如有大事、  
須共謀謨、別遣侍臣、就第詢訪、

高祖

勸學行禮詔

開皇

年

建國重道。莫先於學。尊主庇民。莫先於禮。自魏氏不  
競。周齊抗衡。分四海之民。鬪二邦之力。遞爲強弱。多  
歷年所。務權詐而薄儒雅。重干戈而輕俎豆。民不見  
德。惟爭是聞。朝野以機巧爲師。文吏用深刻爲法。風  
澆俗敝。化之然也。雖復建立庠序。兼啟黌塾。業非時  
貴。道亦不行。其間服膺儒術。蓋有之矣。彼衆我寡。未  
能移俗。然其維持名教。獎飾彞倫。微相弘益。賴斯而



已王者承天。休咎隨化。有禮則祥瑞必降。無禮則妖孽興起。人稟五常。性靈不一。有禮則陰陽合德。無禮則禽獸其心。治國立身。非禮不可。朕受命于天。財成萬物。去華夷之亂。求風化之宜。戒奢崇儉。率先百辟。輕徭薄賦。冀以寬弘。而積習生常。未能懲革。閭閻士庶。吉凶之禮。動悉乖方。不依制度。執憲之職。似塞耳而無聞。蒞民之官。猶蔽目而不察。宣揚朝化。其若是乎。古人之學。且耕且養。今者民丁。非役之日。農隙時。候之餘。若敦以學業。勸以經禮。自可家慕大道。人希

至德豈止知禮節。識廉耻。父慈子孝。兄恭弟順者乎。  
始自京師。爰及州郡。宜祇朕意。勸學行禮。

下筆所之。自爾霏霏輕舉。當時臣下。未有得其致  
者也。



卷之三

可學預文自爾霏霏鮮舉省親三下未肯許其定

故自京師受久陳味官漸想若憐必於歸日

三念止山映斷餘滿風致我慈母等久恭張國青平

高祖

赦李穆百死詔

開皇

年

禮制凡品。不拘上智。法備小人。不防君子。大師上柱  
國申國公。器宇弘深。風猷遐曠。社稷佐命。公爲稱首。  
位極帥臣。才爲人傑。萬頃不測。百鍊彌精。乃無伯玉  
之非。豈有顏回之貳。故以自居。寥廓。弗關。憲網。然王  
者作教。惟旌善人去法。弘道示崇。年德自今已後。雖  
有愆罪。但非謀逆。縱有百死。終不推問。

如此清裁。直是北宋表啟。





高祖

報梁睿詔

開皇年梁睿上平陳之策上善之

詔曰公英風震動、妙筭縱橫、清蕩江南、宛然可見、循  
環三復、但以欣然、公既上才、若總戎律、一舉大定、固  
在不疑、但朕初臨天下、政道未洽、恐先窮武事、未爲  
盡善、昔公孫述隗囂、漢之賊也、光武與其通和、稱爲  
皇帝、尉佗之於高祖、初猶不臣、孫皓之答晉文、書尚  
云、白或尋款服、或卽滅亡、王者體大義、存尊養、雖陳  
國來朝、未盡藩節、如公大略、誠須責罪、尚欲且緩其



諫宜知此意、淮海未滅、必興師旅、若命永襲、終當相  
想、以身許國、無足致辭、

江東妃偶一破于斯、曹魏以來未經斯曠也、

高祖

賜高麗王湯璽書

開皇十七年 開皇初頗有使入朝及平陳之後湯大懼治兵積穀爲守拒之策上賜湯書

朕受天命愛育率土委王海隅宣揚朝化欲使圖首  
方足各遂其心王每遣使人歲常朝貢雖稱藩附誠  
節未盡王旣人臣須同朕德而乃驅逼鞅鞫固禁契  
丹諸藩頓顙爲我臣妾忿善人之慕義何毒害之情  
深乎太府王人其數不少王必須之自可聞奏昔年  
潛行財貨利動小人私將弩手逃竄下國豈非脩理



兵器意欲不減恐有外聞故爲盜竊時命使者撫慰  
王藩本欲問彼人情教彼正術王乃坐之空館嚴加  
防守使其閉目塞耳永無聞見有何陰惡弗欲人知  
禁制官司畏其訪察又數遣馬騎殺害邊人屢騁姦  
謀動作邪說心在不賓朕於蒼生悉如赤子賜王土  
宇授王官爵深恩殊澤彰著遐邇王專懷不信恒自  
猜疑常遣使人密覘消息純臣之義豈若是也蓋當  
由朕訓導不明王之愆違一已寬恕今日已後必須  
改行守藩臣之節奉朝正之典自化爾藩勿忤他國



則長享富貴。實稱朕心。彼之一方。雖地狹人少。然普  
天之下。皆爲朕臣。今君黜王。不可虛置。終須更選官  
屬。就彼安撫。王若洒心易行。率由憲章。卽是朕之良  
臣。何勞別遣才彥也。昔帝王作法。仁信爲先。有善必  
賞。有惡必罰。四海之內。具聞朕旨。王若無罪。朕忽加  
兵。自餘藩國。謂朕何也。王必虛心。納朕此意。慎勿疑  
惑。更懷異圖。往者陳叔寶。代在江陰。殘害人庶。驚動  
我烽候。抄畧我邊境。朕前後誠勅。經歷十年。彼則恃  
長江之外。聚一隅之衆。悖狂驕傲。不從朕言。故命將



出師除彼凶逆、往來不盈旬月、兵騎不過數千、歷代  
逋寇、一朝清蕩、遐邇乂安、人神胥悅、聞王歎恨、獨致  
悲傷、黜陟幽明、有司是職、罪王不爲、陳滅、賞王不爲、  
陳存、樂禍好亂、何爲爾也、王謂遼水之廣、何如長江、  
高麗之人多少、陳國、朕若不存、含育、責王前愆、命一  
將軍、何待多力、慇懃曉示、許王自新耳、宜得朕懷、自  
求多福、

高祖之文、其清可鑒、開皇年間、有以上表、華豔得  
罪者、然勿能有改於世、浮僞之難破如此、

禮

簡省國學生詔

仁壽元年六月

詔曰、儒學之道、訓教生人、識父子君臣之義、知尊卑  
長幼之序、升之於朝、任之以職、故能贊理時務、弘益  
風範、朕撫臨天下、思弘德教、延集學徒、崇庠序、開  
進仕之路、佇賢俊之人、而國學胄子、垂將千數、州縣  
諸生、咸亦不少、徒有名錄、空度歲時、未有德爲代範、  
才任國用、良由設學之理、多而未精、今宜簡省、明加  
獎勵、

隋書

詔



聞有聚徒者矣未聞省生者也聞有立學者矣未  
學廢學者也此又纂弑諸君所不爲

諱廣高祖第二子好學善屬文深沉嚴重朝野  
屬望尤自矯飾當時稱爲仁孝太子勇猛立爲  
皇太子

# 伐高麗詔

大業二年春正月

詔曰高麗小醜迷昏不恭崇聚勃碣之間薦食遠徼  
之境雖復漢魏誅戮巢窟暫傾亂離多阻種落還集  
萃川藪於往代播實繁以迄今睠彼華壤剪爲夷類  
歷年永久惡稔旣盈於是親總六師用申九伐左第  
一軍可鏤方道第二軍可長岑道第三軍可海冥道  
第四軍可蓋馬道第五軍可建安道第六軍可南蘇



道第七軍可遼東道第八軍可玄兔道第九軍可扶  
餘道第十軍可朝鮮道第十一軍可沃沮道第十二  
軍可樂浪道右第一軍可黏蟬道第二軍可含資道  
第三軍可渾彌道第四軍可臨屯道第五軍可攸城  
道第六軍可提奚道第七軍可頓踏道第八軍可蕭  
慎道第九軍可竭石道第十軍可東臚道第十一軍  
可帶方道第十二軍可襄平道凡此衆軍先奉廟略  
駱驛引途總集平壤莫非如豺如貔之勇百戰百勝  
之雄顧盼則山嶽傾頽叱吒則風雲騰鬱心德攸同

爪牙斯在。服躬馭元戎。爲其節度。

自古用兵。未有不以多致敗者。不獨隋帝爲然。





煬帝

遺史祥書

祥從晉王擊突厥於靈武仁壽中率兵屯弘化以備胡煬帝時在東宮遺

祥書

將軍總戎塞表胡虜清塵秣馬休兵猶事校獵足使  
李廣慙勇魏尚媿能冠彼二賢獨在吾子昔余濫舉  
推轂治兵振皇靈於塞外驅犬羊乎大漠于時同行  
軍旅契濶戎旃望龍城而衝冠眄狼居而發憤將軍  
英圖不世猛氣無前但物不遂心僴俛從事每思一  
此我勞如何將軍宿心素志早同膠漆久而敬之方



成魚水、近者陪隨、鑾駕言旋上京、本卽述職南蕃、宣  
條下國、不悟皇鑒曲發、備位少陽、戰戰兢兢、如臨冰  
谷、至如建節邊境、征伐四方、褰帷作牧、綏撫百姓、上  
稟成規、下盡臣節、是所願也、是所甘心、仰慕前修、庶  
得自效、謬其入守神器、元良萬國、身輕負重、何以克  
堪、所望故人、匡其不逮、比監國多暇、養疾閑宮、厭北  
閣之端居、罷南皮之馳射、博望之苑、旣乏名賢、飛蓋  
之園、理乖終宴、親朋遠矣、琴書寂然、想望吾賢、疾如  
疾首

柳昂

字千里河東人好禮篤學治家如官仕周歷職清顯開皇初爲太子太保

請勸學行禮表

昂見天下無事可以勸學行禮因上表

臣聞帝王受命建學制禮故能移既往之風成惟新之俗自魏道將謝分割九區關右山東久爲戰國各逞權詐俱殉干戈賦役繁重刑政嚴急蓋救焚拯溺無暇從容非朝野之願以至於此晚世因循遂成希慕俗化澆敝流宕忘反自非天然上哲挺生于時則儒雅之道經禮之制衣冠民庶莫肯用心世事所以未清軌物由茲而壞伏惟陛下稟靈上帝受命旻天




合三陽之期。膺千祀之運。往者周室頽毀。區宇沸騰。  
聖策風行。神謀電發。端坐廊廟。蕩滌萬方。俯順幽明。  
君臨四海。擇萬古之典。無善不爲。改百王之弊。無惡  
不盡。至若因情緣義。爲其節文。故以三百三千。事高  
前代。然下土黎獻。尚未盡行。臣謬蒙獎策。從政藩部。  
人庶軌儀。實見多闕。儒風以墜。禮教猶微。是知百姓  
之心。未能頓變。仰惟深思遠慮。情念下民。漸彼以儉。  
使至于道。臣恐業淹事緩。動延年世。若行禮勸學。道  
教相催。必當靡然向風。不遠而就。家知禮節。人識義

方。比屋可封。輒謂非遠。

隋文不事儒學。惟務刑沉猜之性。本來以然。雖爲  
旋舉亦復旋廢也。





Vertical text columns on the left side of the page, likely containing a title or descriptive text. The text is written in a traditional Chinese style, with characters arranged in vertical columns. The text is somewhat faded and difficult to read, but it appears to be a formal inscription or a title.

牛弘

字里人安定人性寬裕好學博聞在周起家外府記室內史三士開皇初遷秘書監

請開獻書之路表

弘以典籍遺逸上表請開獻書之路

經籍所興由來尚矣爰畫肇于庖羲文字生于蒼頡  
聖人所以弘宣教導博通古今揚于王庭肆于夏時  
故堯稱至聖猶考古道而言舜其大智尚觀古人之  
象周官外史掌三王五帝之書及四方之志武王問  
黃帝顓頊之道太公曰在丹書是知握符御曆有國  
有家者曷嘗不以詩書而爲教因禮樂而成功者也  
昔周德旣衰舊經紊棄孔子以大聖之才開素王之



業憲章祖述制禮刊詩正五始而脩春秋闡十翼而弘易道治國立身作範垂法及秦皇馭寓吞滅諸侯任用威力事不師古始下焚書之令行偶語之刑先王墳籍掃地皆盡本既先亡從而顛覆臣以圖讖言之經典盛衰信有徵數此則書之一厄也漢興改秦之弊敦尚儒術建藏書之策置校書之官屋壁山巖往往間出外有太常太史之藏內有延閣秘書之府至孝不成之世亡逸尚多遺謁者陳農求遺書于天下劉向父子讐校篇籍漢之興文于斯爲盛及王



莽之末。長安兵起。宮室圖書。並從焚燼。此則書之二  
厄也。光武嗣興。尤重經誥。未及下車。先求文雅。於是  
鴻生鉅儒。繼踵而集。懷經負帙。不遠斯至。肅宗親臨  
講肄。和帝數幸書林。其蘭臺石室。鴻都東觀。祕牒填  
委。更倍于前。及孝獻移都。吏民擾亂。圖書縑帛。皆取  
爲帷囊。所收而西。裁七十餘乘。屬西京大亂。一時燔  
蕩。此則書之三厄也。魏文代漢。更集經典。皆藏在祕  
書。內外三閣。遣秘書郎鄭默。刪定舊文。時之論者。美  
其朱紫有別。晉氏承之。文籍尤廣。晉祕書監荀勗。定



魏內經更著新簿。雖古文舊簡。猶云有缺。新章後錄。  
鳩集已多。足得恢弘正道。訓範當世。屬劉石。憑陵京。  
華覆滅。朝章國典。從而失墜。此則書之四厄也。永嘉。  
之後。寇竊競興。因河據洛。跨秦帶趙。論其建國立家。  
雖傳名號。憲章禮樂。寂滅無聞。劉裕平姚。收其圖籍。  
五經子史。纔四千卷。皆赤軸青紙。文字古拙。僭偽之。  
盛。莫過二秦。以此而論。足可明矣。故知衣冠軌物。圖。  
畫記注。播遷之餘。皆歸江左。晉宋之際。學藝爲多。齊。  
梁之間。經史彌盛。宋祕書承王儉。依劉氏七畧。撰爲。



七志。祭人阮孝緒亦爲七錄。總其書數三萬餘卷。及侯景渡江。破滅梁室。祕省經籍。雖從兵火。其文德殿內經史。宛然猶存。蕭繹據有江陵。遣將破平侯景。收文德之書。及公私典籍。重本七萬餘卷。悉送荊州。故江表圖書。因斯盡萃於繹矣。及周師入郢。繹悉焚之于外城。所收十纔一二。此則書之五厄也。後魏爰自幽方。遷宅伊洛。日不暇給。經籍缺如。周氏創基。關右戎車未息。保定之始。書止八千。後加收集。方盈萬卷。高氏據有山東。初亦採訪。驗其本目。殘缺猶多。及東



夏初平獲其經史四部重雜三萬餘卷所益舊書五千而已今御書單本合一萬五千餘卷部帙之間仍有殘缺比梁之舊目止有其半至于陰陽河洛之篇醫方圖譜之說彌復爲少臣以經書自仲尼已後迄于當今年踰千載數遭五厄興集之期屬膺聖世伏惟陛下受天明命君臨區宇功無與二德冠往初自華夏分離彞倫攸斁其間雖霸王遞起而世難未夷欲崇儒業時或未可  
工字邁于三王民黎盛于兩漢  
有人有時正在  
方當大弘文教納俗升平而



天下圖書尚有遺逸。非所以仰協聖情。流訓無窮者也。臣史籍是司。寢興懷懼。昔陸賈奏漢祖云。天下不可馬上治之。故知經邦立政。在於典謨矣。爲國之本。莫此攸先。今祕藏見書。亦足披覽。但一時載籍。須令大備。不可王府所無。私家乃有。然士民殷雜。求訪難知。縱有知者。多懷恡惜。必須勒之以天威。引之以從利。若猥發明詔。兼開購賞。則異典必臻。觀閣斯積。重道之風。超於前世。不亦善乎。伏願天監。少垂照察。自秦迄隋。載籍興廢。於斯可見。



映錦不映書

大論不西王叔祖

莫地外武今輝輝具書衣吳外雙旦一報

何遇土故文姑映錄張立如亦依典藉矣為國文

也引史錄具何錄典刻點昔劉賈奏戴師云天可

天下圖書尚直張強非祖以吟謝望靜張隨其意

長孫晟

字季晟性通敏畧涉書詔周室尚武貴遊子弟咸以相矜每共馳射時輩皆出其下宣帝

時厥突請婚于周遣晟副宇文神慶送千金公主晟因察山川形勝部曲強弱皆盡知之

論突厥書

開皇元年攝圖約諸面部部落謀共南侵晟先知攝圖玷厥阿波突利等叔

侄兄弟內懷猜忌  
易可離間因上書

臣聞喪亂之極必到升平是故上天啟其機聖人成其務伏惟皇帝陛下當百王之末膺千載之期諸夏雖安戎場尚梗興師致討未是其時棄於度外又復侵擾故宜密運籌策漸以懷之計失則百姓不寧計得則萬代之福吉凶所係伏願詳思臣於周末忝充



外使匈奴倚伏實所具知。玷厥之於攝圖。兵強而位下。外名相屬。內隙已彰。鼓動其情。必將自戰。又處羅者。攝圖之弟。姦多而勢弱。曲取於衆心。國人愛之。因爲攝圖所忌。其心殊不自安。迹示彌縫。實懷疑懼。又阿波首鼠。介在其間。頗畏攝圖。受其牽率。唯強是與。未有定心。今宜遠交而近攻。離強而合弱。通使玷厥。說合阿波。則攝圖廻兵。自防右地。又引處羅。遣連奚。霫則攝圖分衆。還備左方。首尾猜嫌。腹心離阻。十數年。後。矣。

歲類武人能論事情言約而文明宜如趙營平屯  
田奏策矣



田奏兼吳

是賤為人誦備事辭言餘而文相宜收鼓營平市

柳彧

字幼文河東人高祖禪位累遷治書侍御史隋承喪亂之後風俗頽壞或多所矯正

請禁絕百姓作角觝戲奏

或見近代以來都邑百姓每至正月十五

日作角觝之戲遞相誇競至于糜費財力

上奏請

禁絕之

臣聞昔者明主訓民治國率履法度動由禮典非法不服非道不行道路不同男女有別防其邪辟納諸軌度竊見京邑爰及外州每以正月望夜充街塞陌聚戲朋遊鳴鼓聒天燎炬照地人戴獸面男爲女服倡優雜技詭狀異形以穢嫚爲歡娛用鄙褻爲笑樂

隋書

奏



內外共觀，曾不相避。高棚跨路，廣幕陵雲。袿服靚粧，  
車馬填噓。肴醕肆陳，絲竹繁會。竭貲破產，競此一時。  
盡室并孥，無間貴賤。男女混雜，緇素不分。穢行因此  
而生，盜賊由斯而起。浸以成俗，寔有由來。因循敝風，  
曾無先覺。非益於化，寔損於民。請頒行天下，並卽禁  
斷。康哉雅頌，足美盛德之形容。鼓腹行歌，自表無爲  
之至樂。敢有犯者，請以故違勅論。

太平景色何得可少？政恐財殫民貧，力不辦此坐  
令世界無意耳。

李陽字士恢趙郡人好學解屬文高祖受禪歷比部  
考工侍郎明達世務爲時論所推遷治書侍御  
史

論文體書

諤以文家體尚輕簿遁相  
師効流宕忘及於是上書

臣聞古先哲王之化民也必變其視聽防其嗜欲塞  
其邪放之心示以淳和之路五教六行爲訓民之本  
詩書禮易爲道義之門故能家復孝慈人知禮讓正  
俗調風莫大於此其有上書獻賦制誅鐫銘皆以褒  
德序賢明勲證理苟非懲勸義不徒然降及後代風  
教漸落魏之三祖更尚文詞忽君人之道好雕蟲



之小藝、下之從上、有同影響、競騁文華、遂成風俗、江  
左齊梁、其弊彌甚、貴賤賢愚、唯務吟詠、遂復遺理、存  
異、尋虛、逐微、競一韻之奇、爭一字之巧、連篇累牘、不  
出月露之形、積案盈箱、唯是風雲之狀、世俗以此相  
高、朝廷據茲擢士、祿利之路、旣開、愛尚之情、愈篤、於  
是閭里童昏、貴遊總丱、未窺六甲、先製五言、至如義  
皇、舜禹之典、伊傳周孔之說、不復關心、何嘗入耳、以  
傲誕爲清虛、以緣情爲勲績、指儒素爲古拙、用詞賦  
爲君子、故文筆日繁、其政日亂、良由棄大聖之軌模、



推無用以爲用也。損本逐末。流徧華壤。遞相師祖。久而愈扇。及大隋受命。聖道聿興。屏出輕浮。遏止華僞。自非懷經抱質。志道依仁。不得引預搢紳。叅厠纓冕。開皇四年。普詔天下公私文翰。並宜實錄。其年九月。泗州刺史司馬幼之。文表華豔。付所司治罪。自是公卿大臣。咸知正路。莫不鑽仰墳集。棄絕華綺。擇先王之令典。行大道於茲世。如聞外州遠縣。仍踵敝風。選吏舉人。未遵典則。至有宗黨稱孝。鄉曲歸仁。學必典謨。交不苟合。則擯落私門。不加收齒。其學不稽古。逐



俗隨時作輕薄之篇章結朋黨而求譽則選充吏職舉送天朝蓋由縣令刺史未行風教猶挾私情不存公道臣既忝憲司職當糾察若聞風卽劾恐挂網者多請勅諸司普加搜訪有如此者具狀送臺

諤又論當官矜伐有云通表陳誠先論已之功狀承顏敷奏亦道臣最用心及此二事何其治亂不同異世同情也

皇甫績

字功明安定人精心好學周宣帝崩高祖總已績有力焉及陳平拜蘓州刺史

遺顧子元書

高智慧等作亂江南州民顧子元發兵應之因以攻績子元素感績

恩冬至日遣使奉牛酒績遺子元書

皇帝握符受籙合極通靈受揖讓于唐虞弃干戈于湯武東踰蟠木方朔所未窮西盡流沙張騫所不至玄漠黃龍之外交臂來王葱嶺榆關之表屈膝請吏曩者偽陳獨阻聲教江東士民困于荼毒皇天輔仁假手朝廷聊申薄伐應時瓦解金陵百姓死而復生吳會臣民白骨還肉唯當懷音感德行歌擊壤豈宜



自同吠主、翻成反噬、卿非吾民、何須酒禮、吾是隋將、何容外交、易于析骸、未能相告、况是足食、足兵、高城、深塹、坐待強援、綽有餘力、何勞踵輕敵之俗、作虛僞之辭、欲阻功臣之心、徒惑驍雄之志、以此見期、必不可得、卿宜善思活路、曉諭黎元、能早改迷、失道非遠、高祖功臣鮮能令道自終者、續惟能善處形迹之

問

豫章王

遺崔贖書

贖爲河南豫章二王侍讀。更自往來二王之第。及河南王爲晉王。轉記室參軍。自此去豫章王遺贖書。

昔漢氏西京。梁王建國。平臺東苑。慕義如林。馬卿辭武騎之官。枚乘罷弘農之守。每覽史傳。嘗切怪之。何乃脫官榮。棲遲藩邸。以今望古。方知雅志。彼二子者。豈徒然哉。足下博聞強記。鉤深致遠。視漢臣之三篋。似涉蒙山。對梁相之五車。若吞雲夢。吾兄欽賢重士。敬愛忘疲。先築郭隗之宮。常置穆生之醴。今者重開



土宇更誓山河。地方七百。牢籠曲阜。城兼七十。包舉  
臨淄。大啓南陽。方開東閣。想得奉飛蓋。曳長裾。藉玳  
筵。躡珠履。歌山桂之偃蹇。賦池竹之檀欒。其崇貴也  
如彼。其風流也如此。幸甚幸甚。何樂如之。高視上京。  
有懷德祖。才謝天人。多慙子建。書不盡意。寧俟繁辭。

大要是五官之遺徽



大要及正官之數

道衡

字玄卿河東人專精好學構文必隱坐空  
踞壁而臥沉思如此高祖每曰薛道衡作文

書稱我意然  
戒之以迂誕

高祖文皇帝頌序

道衡上頌煬帝覽之不悅顧  
謂蘇威曰道衡致美先朝此

魚藻之  
義也

太始太素荒茫造化之初天皇地皇杳冥書契之外  
其道絕其迹遠言談所不詣耳目所不追至於入穴  
登巢窟居鶩飲不殊於羽族取類於毛羣亦何貴於  
人靈何用於心識義軒已降爰暨唐虞則乾象而施  
法度觀人文而化天下然後帝王之位可重聖哲之



道爲尊。夏后殷周之國。禹湯文武之主。功濟生民。聲  
流雅頌。然陵替於三五。懋德於干戈。秦居閏位。任刑  
名爲政本。漢執靈圖。雜霸道而爲業。當塗興而三方  
時。典午末而四海亂。九州封域。窟穴鯨鯢之羣。五都  
遺黎。蹴踏戎馬之足。雖玄行定。嵩洛木運。據嶠函。未  
正滄海之流。詎息崑山之燎。叶千齡之旦暮。當萬葉  
之一朝者。其在大隋乎。粵若高祖文皇帝。誕聖降靈。  
則赤光照室。韜神晦迹。則紫氣騰天。龍顏日角之奇。  
玉理朱衡之異。著在圖籙。彰乎儀表。而帝系靈長。神

基崇峻、類邠岐之累德。異豐沛之勃起。俯膺歷試、納  
揆賓門。位長六卿、望高百辟。猶重華之爲太尉、若文  
命之任司空。蒼歷將盡、率土糜沸。玉弩驚天、金鉞照  
野。姦雄挺禍、據河朔而連海岱。猾長縱惡、杜白馬而  
塞城皐。庸蜀逆命、憑銅梁之險。鄭黃背誕、引金陵之  
寇。三川已震、九鼎將飛。高祖龍躍鳳翔、濡足授手。應  
赤伏之符、受玄狐之籙。命百下百勝之將、動九天九  
地之師。平其工而殄蚩尤、翦楔窳而戮鑿齒。不煩二  
十八將、無暇五十二征。曾未踰時、妖逆咸殄。廓氛霧



於區宇。出黎元於塗炭。天柱傾而還正。地維絕而更  
組。殊方稽顙。識牛馬之內向。樂師伏地。懼鍾石之變  
聲。萬姓所以樂推。三靈於是改卜。壇場已備。猶弘五  
讓之心。億兆難違。方從四海之請。光臨寶祚。展禮郊  
丘。舞六代而降天神。陳四圭而饗上帝。乾坤交泰。品  
物咸亨。酌前王之令典。改易徽號。因庶萌之子來。移  
創都邑。天文上當朱鳥。地理下據黑龍。正位辨方。揆  
景於日月。內宮外座。取法於辰象。懸正教於魏闕。朝  
羣后於明堂。除舊布新。移風易俗。天街之表。地脈之

外。獯獫孔熾。其來自久。橫行十萬。樊噲於是失辭。提步五千。李陵所以陷沒。周齊兩盛。競結旄頭。娉狄后於漠北。未足息其侵擾。傾珍藏於山東。不能止其貪暴。炎靈啓祚。聖皇馭寓。運天策於帷宸。播神威於沙朔。柳室瓊裘之長。皆爲臣隸。瀚海蹕林之地。盡充沙苑。三吳百越。九江五湖。地分南北。天隔內外。談黃旗紫蓋之氣。恃龍蟠獸據之嶮。恒有僭僞之君。妄竊帝王之號。時經五代。年移三百。爰降皇情。永懷大道。愍彼黎獻。獨爲匪人。今上利建在唐。則哲居代。地憑宸





極天縱神武受脤出車一舉平定於是八荒無外九  
服大同四海爲家萬里爲宅乃休牛散馬偃武修文  
自華夏亂離縣積年代人造戰爭之具家習澆僞之  
風聖人之遺訓莫存先王之舊典咸墜爰命秩宗刊  
定五禮申勅太子改正六樂玉帛罇俎之儀節文乃  
備金石匏革之奏雅俗始分而留心政術垂神聽覽  
早朝晏罷廢寢忘食憂百姓之未安懼一物之失所  
行先王之道夜思待旦革百王之弊朝不及夕見一  
善事喜彰於容喙聞一愆犯歎深於在予薄賦輕徭

務農重穀。倉廩有紅腐之積。黎萌無阻饑之慮。天性  
弘慈。聖心惻隱。恩加禽獸。胎卵於是獲全。仁霑草木。  
牛羊所以勿踐。至於憲章重典。刑名大辟。申法而屈  
情。決斷於俄頃。故能彛倫攸叙。上下齊肅。左右絕諂  
諛之路。縉紳無勢力之門。小心翼翼。敬事於天地。終  
日乾乾。誠慎於亢極。陶黎萌於德化。致風俗於太康。  
公卿庶尹。遐邇牧收。僉以天平地成。千載之嘉會。登  
封降禪。百王之盛典。宜其金泥玉檢。展禮介丘。飛聲  
騰實。常爲稱首。天子爲而不恃。成而不居。冲旨凝邈。



固辭弗許。而雖休勿休。上德不德。更乃潔誠岱岳。遜  
謝愆咎。方知六十四卦。謙撝之道爲尊。七十二君。告  
成之義爲小。巍巍蕩蕩。無得以稱焉。而深誠至德。感  
達於穹壤。和氣薰風。充溢於宇宙。二儀降福。百靈薦  
祉。日月星象。風雲草樹之祥。山川玉石。鱗介羽毛之  
瑞。歲見月彰。不可勝紀。至于振古所未有。圖籍所不  
載。目所不見。耳所未聞。古語稱聖人作。萬物覩。神靈  
滋。百寶用。此其効矣。旣而遊心姑射。脫屣之志已深。  
鑄鼎荆山。升天之駕遂遠。凡在黎獻。其惟帝臣。慕深



考妣哀纏弓劍。塗山幽峻。無復玉帛之禮。長陸寂莫。  
空見衣冠之遊。若乃降精燁怒。飛名帝錄。開運握圖。  
創業垂統。聖德也。撥亂反正。濟國寧人。六合八紘。同  
文共軌。神功也。玄酒陶匏。雲和孤竹。禋祀上帝。尊極  
配天。大孝也。偃伯戢戈。正禮裁樂。納民壽域。驅俗福  
林。至政也。張四維而臨萬寓。侔三皇而並五帝。豈直  
錙銖周漢。么麼魏晉而已。雖五行之舞。每陳于清廟。  
九德之歌。無絕于樂府。而玄功暢洽。不局於形器。懿  
業遠大。豈盡于揄揚。臣輕生多幸。命偶興運。趨事紫



宸驅馳丹陛。一辭天闕。奄隔鼎湖。空有攀龍之心。徒懷葍蟻之意。庶憑毫翰。敢希贊述。昔堙海之禽。不增于大地。泣河之士。非益於洪流。盡其心之所存。忘其力之所及。輒緣斯義。不覺斐然。

君父之美人。欲其彰彼獨何人。見此不悅。道衡之殺。當決於斯。宋邵隋廣果。非二物也。

許善心

字務本高陽人多聞默識爲當世所稱家有舊書萬餘卷皆徧通涉十五解屬文文友

陵大奇之謂人曰此神人也

神雀頌序

開皇十六年有神雀降于含章闥高祖召百官賜醢告以此瑞善心于座

請紙筆製

神雀頌

臣聞觀象則天乾元合其德觀法審地域大表其尊  
雨施雲行四時所以生殺川流岳立萬物於是裁成  
出震乘離之君紀鳳司鳳之后玉錘玉斗而降金版  
金滕以傳並陶冶性靈含煦動植眇玄珠於赤水寂  
明鏡乎虛堂莫不景福氤氲嘉貺龕集馳聲南董越



響雲韶。粵我皇帝之君。臨闡大方。抗太極。負鳳邸。據  
龍圖。不言行焉。攝提建指。不肅清焉。喉鈴啓閉。括地  
復夏。截海翦商。就望體其尊。登咸昌其會。縣區浹宇。  
遐至邇安。騰實飛聲。直暢旁施。無體之禮。威儀布政。  
之宮無聲之樂。綴兆總章之觀。上庠養老。躬問百年。  
下土字民。心爲百姓。月棲日浴。熱版寒門。吹鱗沒羽。  
之荒。赤蛇青馬之裔。解辯請吏。削衽承風。豈止呼韓。  
北場。兆勒狼居之岫。熄愼南境。近表不耐之城。故使  
天弗愛道。地寧吝寶。川岳展異。幽明効靈。狎素游頽。

團膏漱醴。半景青赤。孳歷虧盈。足足懷仁。般般優義。  
祥祐之來。若此。升隆之化。如彼。而登封盛典。云亭佇  
白。檢之儀。致治成功。柴燎靡玄珪之告。雖奉常定禮。  
武騎草文。天子抑而未行。推而不有。允恭克讓。其在  
斯乎。七十二君。信蔑如也。故神禽顯賁。玄應特昭。白  
爵王鐵豸之奇。白爵銜丹書之貴。班固神爵之頌。履  
武戴文。曹植嘉爵之篇。棲庭集牖。未若于飛武帳。來  
賀文櫓。刷采青蒲。將翔赤芻。玉几朝御。取翫軒楯之  
間。金門旦開。兼留翬翟之鑒。終古曠世。未或前聞。福



召宜徵得之茲日。歲次上章。律諧大呂。玄枵會節。玄英統時。至尊未明求衣。晨興於含章之殿。爰有端爵。翱翔而下。載行載止。當晨寧而徐前來集來儀。承軒墀而顧步。夫瑞者符也。明主之休徵。雀者爵也。聖人之大寶。謹案考異。郵云。軒轅有黃爵。赤頭立日傍。占云。土精之應。又禮稽命徵云。祭祀合其宜。則黃爵集。昔漢集泰時之殿。魏下文昌之宮。一見雍丘之祠。三入平東之府。並勞觀廻矚。事陋人微。奚足稱矣。抑又聞之。不刳胎剖卵。則鸞鳳馴鳴。不漉浸焚原。則螭龍

盤蜿。是知陛下止殺。故飛走宅心。皇茲好生。而浮僭育德。臣面奉綸綍。垂示休祥。預承嘉宴。不勝藻躍。李虔僻處西土。陸機少長東隅。微臣慙于往賢。逢時盛乎曩代。輒竭庸瑣。敢獻頌云。

頌奏高祖曰。文不加點。筆不停毫。常聞此言。今見其事。此爲高才矣。



其事此爲高才矣

奏高祖曰文不吐無筆不幹亭常聞此言今見  
平曩升轉郎曹郎姪爛然云

吏鞫熟西土望辦必尋東閭姪用燕干卦寶數抑益  
育辦用爾奉餘轉無示朴新郎承嘉宴不細燕羈牢  
盟鞫具味對下北縣姑張衣宇小皇茲我主而新營

煬帝紀論

臣曰煬帝爰在弱齡早有令聞南平吳會北却匈奴昆弟之中獨著聲績於是矯情飾貌肆厥姦回故得獻后鍾心文皇革慮天方肇亂遂登儲兩踐峻極之崇基承丕顯之休命也地廣三代威振八紘單于頻頽赴裳重譯赤仄之泉流溢於都內紅腐之粟委積於塞下貝其富強之資恩逞無厭之欲狹殷周之制度尚秦漢之規摹恃才矜已傲狠明德內懷險躁



外示凝簡盛冠服以飾其姦除諫官以掩其過淫荒  
無度法令滋章教絕四維列參五虐鋤誅骨肉屠勦  
忠良受賞者莫見其功爲戮者不知其罪驕怒之兵  
屢動土木之功不息頻出朔方三駕遼左旌旗萬里  
徵稅百端猾吏侵漁人不堪命乃急令暴條以擾之  
嚴刑峻法以臨之甲兵威武以董之自是海內騷然  
無聊生矣俄而玄感肇黎陽之亂匈奴有雁門之圍  
天子方棄中土遠之楊越姦宄乘釁強弱相陵關梁  
閉而不通皇輿往而不反加之以師旅因之以饑饉



離道路轉死溝壑十八九焉。於是相聚荏蒲陂。毛  
而起。大則跨州連郡。稱帝稱王。小則千百爲群。攻城  
剽邑。茫茫九土。並爲麋鹿之場。悽悽黔黎。俱充蛇豕  
之餌。四方萬里。簡書相續。猶謂鼠竊狗盜。不足爲虞。  
上下相蒙。莫肯念亂。振蜉蝣之羽。窮長夜之樂。土崩  
魚爛。貫盈惡稔。普天之下。莫匪仇讐。左右之人。皆爲  
敵國。終焉不悟。同被望夷。遂以萬乘之尊。死於一夫  
之手。億兆靡感恩之士。九牧無勤王之師。子弟尙就  
誅夷。骸骨棄而莫掩。社稷顛隕。本枝殄絕。自肇有書。



矣以迄於茲。宇宙崩離，生靈塗炭，喪身滅國，未有若斯之甚也。書曰：天作孽，猶可違；自作孽，不可追。傳曰：吉凶由人，祇不妄作。又曰：兵猶火也，不戢將自焚。觀清室之存亡，斯言信而有徵矣。

隋書論

后妃列傳論

史臣曰、二后帝未登庸、早儼宸極、恩隆好合、始終不渝、文獻德異、鳴鳩心非均一、擅寵移嫡、傾覆宗社、惜哉、書曰、牝雞之晨、惟家之索、高祖之不能敦睦九族、抑有由矣、蕭后初歸藩邸、有輔佐君子之心、煬帝得不以道、便謂人無忠信、父子之間、尚懷猜阻、夫婦之際、其何有焉、暨乎國破家亡、竄身無地、飄流異域、良足悲矣。



此論清宕別出文獻獨孤氏高祖后蕭后煬帝后  
也文獻贊廢太子勇立煬帝蕭后沒于竇建德時  
入突厥虜庭

隋書序

刑法志序

刑者制死生之命。詳善惡之源。剪亂誅暴。禁人爲非者也。聖王仰視法星。旁觀習坎。彌縫五氣。取則四時。莫不先春風以播恩。後秋霜而動憲。是以宣慈惠愛。導其萌芽。刑罰威怒。隨其肅殺。仁恩以爲情性。禮義以爲綱紀。養化以爲本。明刑以爲助。上有道。刑之而無刑。上無道。殺之而不勝也。記曰。教之以德。齊之以禮。則人有格心。教之以政。齊之以刑。則人有遜心。而



始乎勸善終乎禁暴。以此字人必兼刑罰。至於時逢  
交泰。政稱忠厚。美化與車軌攸同。皇仁與嘉祥間出。  
歲布平典。年垂簡憲。昭然如日月。望之者不迷。曠乎  
如大路。行之者不惑。刑者甲兵焉。鈇鉞焉。刀鋸鑕鑿。  
鞭朴榎楚。陳乎原野。而肆諸市朝。其所由來亦已久  
矣。若夫龍官屬紀之前。結繩而不違。不令而人畏。五  
帝畫象。殊其衣服。三王肉刑。刻其膚體。若重華之眚  
災。肆赦。文命之刑罰三千。而都君師刑。尚奉唐堯之  
德。高密泣罪。猶懷虞舜之心。殷因以降。去德滋遠。若


行能遵成湯不造炮烙設刑兼禮守位依仁則西伯  
成德化爲田叟周王立三刺以不濫弘三宥以開物  
成康以四十二年之間刑措不用薰風潛暢頌聲遐  
舉越裳重譯萬里來歸若乃魯接燕齊荆鄰鄭晉時  
之所尚資乎辯舌國之所恃不在威刑是以纔鼓夷  
莫宣尼致誦旣鑄刑辟叔向貽書夫渤海之浸沾濡  
千里列國之政豈周之膏潤者歟秦氏辟自西戎初  
平區夏投戈棄甲仰恩祈惠乃落嚴霜於政教揮流  
電於邦國棄灰偶語生愁怨於前毒網凝科害肌膚



於後。玄鉞肆於朝市。赭服飄於路衢。將閭有一劍之  
哀。茅焦請列星之數。漢高祖初以三章之約。以慰秦  
人。孝文躬親玄默。遂踈天網。孝宣樞機周密。法理詳  
備。選於定國爲廷尉。黃霸以爲廷平。每以李秋之後。  
諸所請讞。帝常幸宣室。齋而決事。明察平恕。號爲寬  
簡。光武中興。不移其舊。是以二漢群后。罕聞殘酷。魏  
武造易鉞之科。明皇施減死之令。中原凋弊。吳蜀三  
分。哀矜折獄。亦所未暇。晉氏平吳。九州寧一。乃命賈  
充。大明刑憲。內以平章百姓。外以和協萬邦。實曰輕

平。稱爲簡易。是以宋齊方駕。輻其餘軌。若乃刑隨喜怒。道揆正直。布憲擬於秋荼。設網踰於朝脛。若隋高祖之揮刃無辜。齊文宣之輕刀嚮割。此所謂匹夫私讐。非闡國典。孔子曰。刑亂及諸政。政亂及諸身。心之所詣。則善惡之本原也。是以撮其遺事。以至隋氏。附于篇云。





附書序

循吏傳序

古之善牧人者養之以仁、使之以義、教之以禮、隨其所便而處之、因其所欲而與之、從其所好而勸之、如父母之愛子、如兄之愛弟、聞其飢寒爲之哀、見其勞苦爲之悲、故人敬而悅之、愛而親之、若子產之理鄭國、子賤之居單父、賈琮之牧冀州、文翁之爲蜀郡、皆可以恤其災患、導以忠厚、因而利之、惠而不費、其暉映千祀、聲芳不絕、夫何爲哉、用此道也、然則五帝三



王不易人而化、皆在所由化之而已。故有無能之吏、  
無不可化之人。高祖膺運、撫圖除凶、靜亂日、旰忘食、  
思邁前王、然不敦詩書、不尚道德、專任法令、嚴察臨  
下、吏存苟免、罕聞寬惠。乘時射利者、多以一切求名、  
暨煬帝嗣興、志存遠略、車轍馬迹、將徧天下、網紀弛  
紊、四維不張、其或善於侵漁、彊於剝割、絕億兆之命、  
遂一人之求者、謂之奉公。卽時升擢、其或顧名節存  
綱紀、抑欲攘之心、以從百姓之欲者、則謂之附下。旋  
及誅夷、夫吏之侵漁、得其所欲、雖重其禁、猶或爲之。

吏之清平失其所欲雖宗其賞猶或不爲况於上賞  
其姦下得其欲求其廉潔不亦難乎彥光等立嚴察  
之朝屬昏狂之主執心平允終行仁恕餘風遺愛沒  
而不忘寬惠之音是以傳于來葉故列其行事以繫  
循吏之篇爾



前史之辭爾

而不忘實惠之音是以軒于來葉姑修其行專以崇  
之。時。國。君。王。之。主。持。以。平。立。絲。竹。以。感。鍾。風。貴。愛。賢  
其。德。不。計。其。功。來。其。報。終。不。亦。職。乎。其。光。華。而。顯。榮  
更。之。而。平。夫。其。祖。煥。繼。宗。其。賞。辭。而。不。為。其。德。上。貴

序

外戚傳序

歷觀前代外戚之家、乘母后之權、以取高位厚秩者、  
多矣、然而鮮有克終之美、必罹顛覆之患、何哉、皆由  
乎無德而尊、不知紀極、忽於滿盈之戒、罔念高危之  
咎、故鬼瞰其室、憂必及之、夫其成著艱難、功宣社稷、  
不以謙沖自牧、未免顛蹶之禍、而況道不足以濟時、  
仁不足以利物、自矜於已、以富貴驕人者乎、此呂霍  
上官、閻、梁、竇、鄧、所以繼踵而亡滅者也、昔文皇潛躍



之際獻后便相推轂煬帝大橫方兆蕭妃密勿經綸  
是以恩禮綢繆始終不易然內外親戚莫預朝權昆  
弟在位亦無殊寵至於居擅玉堂家稱金穴暉光威  
里熏灼四方將三司以比儀命五侯而同拜者終始  
一代寂無聞焉考之前王可謂矯其弊矣故雖時經  
擾攘無有陷於不義市朝遷貿而皆得以保全此夫  
憑藉寵私皆緣恩澤乘其非據旋就顛隕者豈可同  
日而言哉此之謂愛之以禮能改覆車輒叙其事爲  
外戚傳云

事超往轍文踰常篇乃知沿襲之患亦題理之所  
極也



卷之四

寧陽三子文伯常論八賦部類之患亦隱顯之所

隋書論

梁士彥字文忻王誼元諧王世績虞慶則元胄

傳論

史臣曰昔韓信愆垓下之期則項王不滅英布無淮南之舉則漢道未隆以二子之勲庸咸憤怨而菹戮況乃無古人之殊績而懷悖逆之心者乎梁士彥字文忻皆一時之壯士也遭雲雷之會並以勇畧成名遂貪天之功以爲已力報者倦矣施者未厭將生厲階求逞其欲及茲顛墜自取之也王誼元諧王世績



虞慶則元胄、或契濶艱厄、或綢繆恩舊、將安將樂、漸見遺忘、內懷怏怏、矜伐不已、雖時主之刻薄、亦言語以速禍乎、然高祖佐命元功、鮮有終其天命、配享清廟、寂寞無聞、斯蓋草創帝圖、事出權道、本異同心、故久而愈薄、其牽牛蹊田、雖則有罪、奪之非道、能無怨乎、皆深文巧試、教之刑辟、高祖沉猜之心、固已甚矣、求其餘慶、不亦難哉、

隋史序論多魏鄭公作、雖未免時趨風致、娟秀有見于語言之外、可以意一挹也、

隋書論

西域傳論

史臣曰自古開遠夷通絕域必因弘放之主皆起好士之臣張騫鑿空於前班超投筆於後或結之以重寶或爵之以利劍投驅萬死之地以要一旦之功皆由主尚來遠之名臣殉輕生之節是知上之所好必有甚者也煬帝規摹宏侈掩吞秦漢裴矩方進西域圖記以蕩其心故萬乘親出玉門關置伊吾且末而關右暨於流沙騷然無聊生矣若使北狄無虞東夷



告捷必將脩輪臺之戍築烏壘之城求大秦之明珠  
致條枝之鳥卵往來轉輸將何以堪其敝哉古者哲  
王之制方五千里務安諸夏不事要荒豈威不能加  
德不能被蓋不以四夷勞中國不以無用害有用也  
是以秦戍五嶺漢事三邊或道殣相望或戶口減半  
隋室恃其強盛亦狼狽於清海此皆一人失其道故  
億兆罹其毒若深思卽叙之義固辭都護之請返其  
千里之馬不求白狼之貢則七戎九夷候風重譯雖  
無遠東之捷豈及江都之禍乎

何妥

字樓鳳西城人高祖受禪除國子博士性勁急有口才好是非人物

考定鍾律表

上令妥考定鍾律上表

臣聞明則有禮樂幽則有鬼神然則動天地感鬼神莫近於禮樂又云樂至則無怨禮至則不爭揖讓而治天下者禮樂之謂也臣聞樂有二一曰姦聲二曰正聲夫姦聲感人而逆氣應之順氣成象故樂行而倫清耳目聰明血氣和平移風易俗天下皆寧孔子曰放鄭聲遠佞人故鄭衛宋趙之聲出內則發疾外則傷人是以宮亂則荒其君驕商亂則敗其官壞角



亂則憂其人怨、徵亂則哀其事、勤羽亂則危其財、匱五者皆亂、則國亡無日矣。魏文侯問于夏曰：「吾端冕而聽古樂，則欲寐；聽衛之音而不知倦，何也？」子夏對曰：「夫古樂者，始奏以文，復亂以武，修身及家，平均天下，鄭衛之音者，姦聲以亂，溺而不止，優維子女，不知父子。今君所問者樂也，所愛者音也。夫樂之與音，相近而不同。爲人君者，謹審其好惡，案聖人之作樂也，非止苟悅耳目而已矣。欲使在宗廟之內，君臣同聽之，則莫不和敬；在鄉里之內，長幼同聽之，則莫不和。」

順在閨門之內。父子同聽之。則莫不和親。此先王立樂之方也。故知聲而不知音者。禽獸是也。知音而不知樂者。衆庶是也。故黃鍾大呂。弦歌干戚。僮子皆能舞之。能知樂者。其唯君子。不知聲者。不可與言音。不知音者。不可與言樂。知樂則幾於道矣。紂爲無道。大師抱樂器以奔周。晉君德薄。師曠固惜清徵。上古之時。未有音樂。鼓腹擊壤。樂在其間。易曰。先王作樂崇德。殷薦之上帝。以配祖考。至於黃帝作咸池。顓頊作六莖。帝嚳作五英。堯作大章。舜作大韶。禹作大夏。湯



作大濩。武王作大武。從夏以來。年代久遠。唯有名字。其聲不可得聞。自殷至周。備于詩頌。故自聖賢已下。多習樂者。至如伏羲減瑟。文王足琴。仲尼擊磬。子路鼓瑟。漢高擊筑。元帝吹簫。漢高祖之初。叔孫通因奏樂。人制宗廟之樂。迎神于道門。奏嘉至之樂。迎神于廟門。奏嘉至之樂。猶古降神之樂也。皇帝入廟門。奏永至之樂。以爲行步之節。猶采薺肆夏也。乾豆上薦。奏登歌之樂。猶古清廟之歌也。登歌再終。奏休成之樂。美神饗也。皇帝就東廂坐定。奏永安之樂。美禮成。

成永至二曲。叔孫通所制也。漢高祖奏武德  
舞。五行之儺。當春秋時。陳公子完奔齊。陳自舜後。  
齊有韶樂。孔子在齊聞韶。三月不知肉味是也。秦  
始皇滅齊。得齊韶樂。漢高祖滅秦。韶傳於漢。高祖改  
名文始。以示不相襲也。五行儺者。本周大武樂也。始  
皇改曰五行。及於孝文。復作四時之儺。以示天下安  
和。四時順也。孝景采武德儺。以爲昭德。孝宣又采昭  
德。以爲盛德。雖變其名。大抵皆因秦舊事。至於魏晉。  
皆用古樂。魏之三祖。並制樂辭。自永嘉播越。五都傾



蕩樂聲南渡是以大備江東宋齊以來至于梁代所  
行樂事猶皆傳古三雍四始實稱大盛及侯景篡逆  
樂師分散其四儻三調悉度僞齊齊氏雖知傳受得  
曲而不用之於宗廟朝廷也臣少好音律留意管絃  
年雖耆老頗皆記憶及東土尅定樂人悉返訪其逗  
遛果云是梁人所教今三教四儻並皆有手雖不能  
精熟亦頗具雅聲若令教習傳授庶得流傳古樂然  
後取其會歸撮其指要因循損益更制嘉名歌盛得  
於當今傳正雅於來葉豈不美歟謹具錄三調四儻



曲名又製歌辭如別其有聲曲流宕不可以陳于殿  
庭者亦悉附之於後

撫樂志緒餘衍苟止生大指源流亦大可見



